

新

唐

書

一

新唐書

PDG

百衲本二十四史

新唐書

四部叢刊史部

臣公亮言竊惟唐有天下幾三百年其君臣行事之始終所以治亂興衰之蹟與其典章制度之英且其粲然著在簡冊而紀次無法詳略失中文采不明事實零落蓋又百有五十年然後得以發揮幽沫補緝闕亡黜正僞繆克備一家之史以爲萬世之傳成之至難理若有待臣亮誠惶誠恐頓首頓首伏惟

體天法道欽文聰武聖神孝德皇帝陛下有虞舜之智而好問

躬大禹之聖而克勤天下和平民物安樂而猶垂心積精以求治要曰與鴻生舊學

講誦六經

考臨見前古以謂商周以來爲國長久惟漢與唐而不幸接乎五代衰世之士氣力卑弱言淺意陋不足以起其文而使明君賢臣雋功偉烈與夫昏虐賊亂禍根罪首皆不得暴其善

惡以動人耳目誠不可以垂勸戒示久遠甚可歎也乃因邇
臣之有言適契

上心之所閱於是刊脩官翰林學士兼龍圖閣學士給事中
知制誥臣歐陽脩端明殿學士兼翰林侍讀學士龍圖閣學
士尚書吏部侍郎臣宋祁與編脩官禮部郎中知制誥臣范
鎮刑部郎中知制誥臣王疇太常博士集賢校理臣宋敏求
祕書丞臣呂夏卿著作佐郎臣劉義叟等並膺儒學之選悉
發祕府之藏俾之討論共加刪定凡十有七年成二百二十
五卷其事則增於前其文則省於舊至於名篇著目有革有
因立傳紀實或增或損義類凡例皆有據依纖悉綱條具載
別錄原亮典司事領徒費日月誠不足以成大典稱

明詔無任慙懼戰汗屏營之至臣亮誠惶誠懼頓首頓
首謹言

嘉祐五年六月日提舉編脩樞密直學士兼太常寺禮部侍郎叅知政事臣曾公亮上表

唐書錄卷上

卷上

卷上

撰佐理功臣奉太常書禮部侍郎參政事



勅提舉編脩

本紀十

志五十

表十五

列傳一百五十

本紀

第一

高祖皇帝

第二

太宗皇帝

第三

高宗皇帝

第四

則天順聖武皇后

中宗皇帝

第五

睿宗皇帝

玄宗皇帝

第六

肅宗皇帝

代宗皇帝

第七

德宗皇帝

順宗皇帝

憲宗皇帝

第八

穆宗皇帝

敬宗皇帝

文宗皇帝

武宗皇帝

宣宗皇帝

第九

懿宗皇帝

僖宗皇帝

第十

昭宗皇帝

哀皇帝

志

第一

禮樂一

第二

禮樂二

第三

禮樂三

第四

禮樂四

第五

禮樂五

第六

禮樂六

第七

禮樂七

第八

禮樂八

第九

禮樂九

第十

禮樂十

第十一

禮樂十一

第十二

禮樂十二

第十三上

儀衛上

第十三下

儀衛下

第十四

車服

第十五

曆一

第十六

曆二

第十七上

曆三上

第十七下

曆三下

第十八上

曆四上

第十八下

曆四下

第十九

曆五

第二十上

曆六上

第二十下

曆六下

第二十一

天文一

第二十二

天文二

第二十三

天文三

第二十四

五行一

第二十五

五行二

第二十六

五行三

第二十七

地理一

第二十八

地理二

第二十九

地理三

第三十

地理四

第三十一

地理五

第三十二

地理六

第三十三上

地理七上

第三十三下

地理七下

第三十四

選舉上

第三十五

選舉下

第三十六

百官一

第三十七

百官二

第三十八

百官三

第三十九上

百官四上

第三十九下

百官四下

第四十

兵

第四十一

食貨一

第四十二

食貨二

第四十三

食貨三

第四十四

食貨四

第四十五

食貨五

第四十六

刑法

第四十七

藝文一

第四十八

藝文二

第四十九

藝文三

第五十

藝文四

表

第一

宰相上

第二

宰相中

第三

宰相下

第四

方鎮一

第五

方鎮二

第六

方鎮三

第七

方鎮四

第八

方鎮五

第九

方鎮六

第十上

宗室世系上

第十下

宗室世系下

第十一上

宰相世系一上

第十一下

宰相世系一下

第十二上

宰相世系二上

第十二中

宰相世系二中

第十二下

宰相世系二下

第十三上

宰相世系三上

第十三下

宰相世系三下

第十四上

宰相世系四上

第十四下

宰相世系四下

第十五上

宰相世系五上

第十五下

宰相世系五下

列傳

第一

后妃上

太穆竇皇后

文德長孫皇后

徐賢妃

王皇后

則天武皇后

和思趙皇后

韋皇后

上官昭容

肅明劉皇后

昭成竇皇后

王皇后

貞順武皇后

元獻楊皇后

楊貴妃

第二

后妃下

張皇后

章敬吳太后

貞懿獨孤皇后

睿真沈太后

昭德王皇后

韋賢妃

莊憲王皇后

懿安郭太后

孝明鄭太后

恭僖王太后

貞獻蕭太后

宣懿韋太后

尚宮宋若昭

郭貴妃

王賢妃

元昭晁太后

惠安王太后

郭淑妃

恭憲王太后

何皇后

第三

宗室

江夏王道宗

廣寧縣公道興

永安王孝基

濟

淮陽王道玄

漢

長平王叔良

彭國公

長樂王幼良

彭國公

襄武王琛

新興郡王晉

河間王孝恭

晦

漢陽王瓌

廬江王瑗

淮安王神通

膠東王道彥

梁郡公

孝逸

國貞

高說

齊物

復

襄邑王神符

從晦

隴西公博義

渤海王奉慈

載

第四

高祖二十子

隱太子建成

衛王玄霸

巢王元吉

楚王智雲

荆王元景

漢王元昌

豐王元亨

周王元方

徐王元禮

韓王元嘉

黃公譔

彭王元則

鄭王元懿

霍王元軌

虢王鳳

道王元慶

鄧王元裕

舒王元名

魯王靈夔

江王元祥

密王元曉

滕王元嬰

第五

太宗九王

常山王承乾

鬱林王恪

成王千里 吳王琬

信安王禕

趙國公暉 嗣吳王祗

嗣吳王嶽

濮王泰

庶人祐

蜀王愔

蔣王暉

之芳

越王貞

琅琊王冲

紀王愔

義陽王琮

曹王明

嗣曹王臯 象古 道古

第六

二宗諸子

燕王忠

澤王上金

許王素節

襄信王夢

孝敬皇帝弘

裴居道

章懷太子賢

邵王守禮

廣武王承宏

渤海王承業

懿德太子重潤

譙王重福

節愍太子重俊

讓皇帝憲

汝陽王璿 漢中王瑀 景儉

惠莊太子撝

惠文太子範

嗣岐王珍

惠宣太子業

嗣薛王知柔

第七

十一宗諸子

奉天皇帝琮

太子瑛

棣王琰

鄂王瑤

靖恭太子琬

光王琚

潁王璵

永王璘

壽王瑁

延王玢

盛王琦

豐王珙

汴王璿

越王係

承天皇帝倓

彭王儼

襄王儼

嗣王璵

恭懿太子召

昭靖太子邈

睦王述

舒王誼

通王諡

虔王諒

肅王詳

文敬太子諲

邠王經

惠昭太子寧

澧王恽

絳王悟

建王恪

懷懿太子湊

安王溶

悼懷太子普

陳王成美

莊恪太子永

通王滋

吉王保

德王裕

第八

諸帝公主

世祖一女

高祖十九女

太宗二十一女

高宗三女

中宗八女

睿宗十一女

玄宗二十九女

肅宗七女

代宗十八女

德宗十一女

順宗十一女

憲宗十八女

穆宗八女

敬宗三女

文宗四女

武宗七女

宣宗十一女

懿宗八女

僖宗二女

昭宗十一女

第九

李密

單雄信 祖君彥

第十

王世充

竇建德

第十一

薛舉

仁果

李軌

劉武周

高開道

劉黑闥

徐圓朗

第十二

蕭銑

輔公祐

沈法興

李子通

朱粲 林士弘 張善安

梁師都

劉季真

第十三

劉文靜

裴寂

趙文恪 錢九隴

李思行 樊興

李高遷 公孫武達

姜寶誼 龐卿憚

許世緒 張長慈

劉師立 張平高

劉義節 李安遠

馬三寶

李孟嘗

元仲文

秦行師

第十四

屈突通

尉遲敬德

張公謹

大安

秦瓊

唐儉

憲次 扶持 彥謙

段志玄

文昌 成式

第十五

劉弘基

鄒開山

劉政會

奇 崇望

崇龜

崇龜

許紹

園師

欽寂

欽明

程知節

柴紹

任瓌

丘和

行恭

第十六

温大雅

彦博 大有 廷筠 廷皓

估造 璋

皇甫無逸

李襲志

襲譽

姜謩

行本 皎 慶初 晦

崔善為

李嗣真

第十七

杜伏威

闕稜 王雄 誕

張士貴

李子和

苑君璋

羅藝

王君廓

第十八

李靖

客師 公問 彦芳

李勣

勣業 思文

第十九

侯君集

張亮

薛萬均

萬徹 萬備 盛彦師 盧祖尚 劉世讓 劉蘭 李君羨

第二十

高儉 履行 真行 重

竇威 軌踪 抗靜 誕雄 德玄

第二十一

房玄齡 遺愛

杜如晦 楚客 淹元 穎審 權讓 能

第二十二

魏徵 謬

第二十三

王珪 燾

薛收 元超 元齡 稷 伯陽

馬周 載

韋挺 待價 武 萬石

第二十四

李綱 安仁 安靜

李大亮 道裕 迥秀

戴胄 至德

劉洎 樂彥璋

崔仁師 湜 液 澄

第二十五

陳叔達

楊恭仁

思訓 師道 執柔

封倫

裴矩

宇文士及

鄭善果

元壽

權萬紀

懷恩

閻立德

立本

蔣儼

韋弘機

岳子

姜師度

強循

張知謨

第二十六

蕭瑀

鈞 嗣業 嵩 華 復 儔 傲 藥 蕞 定

第二十七

岑文本

義 長倩 格輔元

虞世南

李百藥

安期

褚亮

劉孝孫 李玄道 李守素

姚思廉

壽 班

令狐德棻

珣 鄒世隆 顧胤 李延壽

第二十八

蘇世長

良嗣 弁

韋雲起

方質

孫伏伽

張玄素

第二十九

于志寧

休烈 叔琮 龍巖

高季輔

張行成

易之 昌宗

第三十

長孫无忌

徽 操 詮 順德

褚遂良

瑋

韓瑗

來濟

恒

李義琰

巢 義琛

上官儀

第三十一

杜正倫

求仁 咸

崔知溫

知悌

高智周

石仲覽

郭正一

趙弘智

來章

崔敦禮

楊弘禮

弘武 元禧 纂

盧承慶

齊卿

劉祥道

齊賢 從一

李敬玄

元素

劉德威

審禮 延景 昇 延嗣

孫處約

佺

邢文偉

高子貢

第三十二

傅弈

呂才

方毅

陳子昂

王無競 趙元

第三十三

劉仁軌

裴行儉

光廷 慎 倩 均

婁師德

第三十四

崔義玄

神基 神慶 琳

楊再思

季昭

竇懷貞

兢

宗楚客

晉卿 紀處誨

祝欽明

郭山惲

王璵

第三十五

諸夷蕃將

史大柰

馮盎

智戴 子猷

阿史那社尒

忠

執失思力

契苾何力

明

黑齒常之

李謹行

泉男生

獻誠

李多祚

李湛

論弓仁

惟貞

尉遲勝

尚可孤

裴珍

第三十六

郭孝恪

張儉

延師

王方翼

珣

蘇定方

薛仁貴

訥 嵩 平 從

程務挺

王孝傑

唐休璟

張仁愿

張敬忠

王峻

第三十七

王義方

貞半千

石抱忠

韓思彥

琬

蘇安怕

薛登

王求禮

柳澤

範 奭

馮元常

元淑

蔣欽緒

沈清

第二十八

唐臨

昭

張文瓘

文琮 錫 文收

徐有功

商 彥若

第二十九

崔融

從 能 慎由 安潛 彥曾

徐彥伯

蘇味道

盧欽望

史務滋 崔元綜 周允元

第四十

狄仁傑

光嗣 兼諫

郝處俊

象賢

朱敬則

仁軌

第四十一

王糾

備遂搏

韋思謙

承慶嗣立伯濟弘景

陸元方

象先景倩景融希聲餘慶

王及善

李日知

杜景佺

李懷遠

景伯彭年

第四十二

裴炎

伯先

劉禕之

郭翰

魏玄同

恬

李昭德

吉頊

第四十三

張廷珪

韋湊

見素諤顓知人維繩虛心

韓思復

朝宗欽

宋務光

呂元泰

辛替否

李渤

裴潏

張臯

李中敏

李欽李甘

第四十四

武平一

李义

賈曾

至

白居易

行簡 敏中

第四十五

桓彥範

盧襲秀 薛季昶 楊元琰 仲昌

敬暉

崔玄暉

漢 繼 碣

張柬之

袁恕已

高

第四十六

劉幽求

鍾紹京

崔日用

日知

王珣

張暉

王毛仲

李守德 陳玄禮

第四十七

魏元忠

韋安石

陝 武 叔夏 紹 抗

郭元振

第四十八

唐書錄上
李嶠

蕭至忠

盧藏用

韋巨源

趙彥昭

和逢堯

第四十九

姚崇

弈合勗

宋璟

渾

第五十

蘇瓌

頤詵震幹

張說

均珀

唐書錄卷下

推後魏皇奉太常書禮部侍郎參知政事柱國廩陵郡開國公王百戶食實封貳佰賜紫金魚袋貞曾父亮奉勅提舉編脩

列傳

第五十一

魏知古

盧懷慎

奂

李元紘

杜暹

鴻漸

張九齡

拯 仲方

韓休

洪 混 臯 洄

第五十二

張嘉貞

延實 弘靖 文規 次宗 嘉祐

源乾曜

光裕 洵

裴耀卿

信

第五十三

蘇珣

晉

尹思貞

畢構

翔

李傑

鄭惟忠

王志愔

許景先

潘好禮

倪若水

席豫

齊幹

抗

第五十四

裴守真

子餘 行立

崔沔

盧從愿

李朝隱

王丘

嚴挺之

武 綬 澈

第五十五

裴濯

寬 霽 胃

陽嶠

宋慶禮

楊瑒

崔隱甫

李尚隱

解琬

第五十六

宗室宰相

李適之

李峴

李勉

李夷簡

李程

廟

李石

福

李回

第五十七

劉子玄

毗滋彰儒鍊贊迴秩迅

吳兢

韋述

蔣乂

係曙伸倍

柳芳

登璟冕

沈既濟

傳師詢

第五十八

郭虔瓘

郭知運

英傑 英乂

王君奭

張守珪

獻誠獻恭煦獻甫

王忠嗣

牛仙客

第五十九

宇文融

韋堅

楊慎衿

王鉞 盧鉉

第六十

哥舒翰 曜

高仙芝

封常清

第六十一

李光弼

彙 光進 荔非元禮 郝廷玉 李國臣 白孝德 張伯儀
白元光 陳利貞 侯仲莊 栢良器 烏承玘

第六十二

郭子儀

曜 晞 承嘏 曖 釗 鏐 錡 曙 初 明 昕

第六十三

李嗣業

馬璘

李抱玉 抱真 絳

路嗣恭 應 恕

第六十四

房琯 孺 復 啓 式

張鎬

李泌

繁

第六十五

崔圓

裴冕

苗晉卿

裴遵慶

向樞

呂誼

第六十六

崔光遠

鄧景山

崔瓘

魏少游

衛伯玉

李澄

克寧

韓全義

盧從史

高霞寓

第六十七

李麟

楊綰

崔祐甫

植倭

柳渾

識

韋處厚

路隋

第六十八

高適

元結

李承

韋倫

薛珏

存慶

崔漢衡

戴叔倫

王翊

正雅 翊 類

徐申

郝士美

辛祕

第六十九

來瑱

裴茂

田神功

神玉

侯希逸

崔寧

彛 堯 黯

嚴礪

第七十

元載

卓英璘 李少良

王縉

黎幹

楊炎

庾準

嚴郢

竇參

申 吳通玄

第七十一

李栖筠

吉甫 德脩

李鄴

瑛

第七十二

王思禮

魯昂

王難得

用

辛雲京

京果 旻

馮河清

姚况

李芄

李叔明

昇

曲環

王虔休

盧羣

李元素

盧士玫

第七十三

令狐彰

建運 通

張孝忠

茂宗 茂昭 裴夷直 陳楚

康日知

志睦 承訓

李洧

劉旌

田弘正

布 牟

王承元

牛元翼

傅良弼 李寰

史孝章

憲忠

第七十四

劉晏

緣 暹 盧 憐 李若初 于頔 包佶

第五琦

班宏

王紹

李巽

第七十五

李揆

常袞

趙憬

崔造

齊映

盧邁

第七十六

關播

李元平

董晉

溪 陸長源 劉望全諫

袁滋

趙宗儒

竇易直

第七十七

張鎰

姜公輔

武元衡

儒衡

李絳

璋

宋申錫

第七十八

段秀實

伯倫 嶷 文楚 珂 劉海賓

顏真卿

第七十九

李晟

愿 憲 愬 聽 琢 王 佖

第八十

馬燧

暢 炫

渾瑊

鎬 鐵

第八十一

楊朝晟

戴休顏

陽惠元

旻

李元諒

李觀

韓游瓌

杜希全

邢君牙

第八十二

陸贄

第八十三

韋臯

韋正貫劉闢

張建封

惲

嚴震

譔

韓弘

弘武充

第八十四

鮑防

李自良

蕭昕

薛播

樊澤

宗師

王緯

吳湊

士矩

鄭權

陸亘

盧坦

閻濟美

柳晟

崔戎

雍

第八十五

徐浩

呂渭

溫恭

孟簡

劉伯芻

寬夫允章

楊憑

凝劭之

潘孟陽

崔元略

鉉沆元式崔龜從

韋綬

第八十六

張薦

讀

趙洎

博宣

李紆

鄭雲達

徐岱

王仲舒

馮伉

庾劭休

第八十七

姚南仲

獨孤及

朗郁庠

顧少連

韋夏卿

瓘

段平仲

呂元膺

許孟容

季同

薛存誠

廷老

李遜

方玄建訥

第八十八

孔巢父

殘緯戲戰溫業

穆寧

贊質負

崔邠

鄆鄆

柳公綽

仲郢璞璧珪珙公權子華

楊於陵

馬摠

第八十九

歸崇敬

登融

奚陟

崔衍

盧景亮

王源中

薛苹

膺

衛次公

洙

薛戎

放

胡証

丁公著

崔弘禮

崔玄亮

王質

殷侑

盈孫

王彥威

第九十

鄭餘慶

辭處謫從諫

鄭珣瑜

單裔綽朗

高郢

定

鄭綯

顯

權德輿

璩

崔羣

第九十一

賈耽

杜佑

式方悰孺休怡牧顓

令狐楚

緒綯瀉定

第九十二

白志貞

裴延齡

崔損

韋渠牟

李齊運

李實

皇甫鏐

鏐

王播

起龜式

第九十三

韋執誼

王叔文

王伾韓晔陳諫凌准韓泰

陸質

劉禹錫

柳宗元

程异

第九十四

杜黃裳勝

裴均

李藩

韋貫之澳 綬 溫 蕭祐

第九十五

高崇文承簡

伊慎

朱忠亮

劉昌裔

范希朝

王鐸稷

孟元陽

王栖曜茂元

劉昌士徑

趙昌

李景略

任迪簡

張萬福

高固郝毗 史敬奉 野詩良輔

第九十六

李光進光顏

烏重胤石洪 李珣

王沛

逢

楊元卿

延宗

曹華

高瑀

劉沔

石雄

第九十七

于頔

季文

王智興

晏平宰

杜兼

孟中立

杜亞

范傳正

第九十八

裴度

識論

第九十九

李逢吉

元稹

牛僧孺

蔚微叢

李宗閔

楊嗣復

授災損

第一百

竇羣

常年牽

劉栖楚

張又新

楊虞卿

漢公汝士

張宿

熊望

柏耆

第一百一

韓愈

孟郊 張籍 皇甫湜 盧仝 賈島 劉叉

第一百二

錢徽

珣

崔咸

韋表微

高鉞

湜 銖 錯 湘

馮宿

定 審

李虞仲

李翱

盧簡辭

知猷 弘止 簡求 汝弼

高元裕

少逸 璩

封敖

鄭薰

敬晦

韋博

李景讓

景溫

第一百三

劉蕡

第一百四

李訓

鄭注

王涯

賈餗

第一百五

舒元興

王璠

郭行餘
李孝本

韓約
顧師邕

羅立言
李貞素

李德裕

煒

延古

崔嘏

丁柔立

第一百六

陳夷行

李紳

李讓夷

曹確

劉瞻

助

李蔚

第一百七

李固言

李珣

崔珙

涪州 澹遠

蕭鄴

鄭肅

仁表 盧商

盧鈞

盧簡方

韋琮

周墀

裴休

劉瑒

夏侯孜

趙隱

裴坦

贊

鄭延昌

王溥

盧光啓

韋貽範

第一百八

畢誠

崔彥昭

劉鄴

豆盧瑑

陸扆

鄭縻

朱朴

孫倓

韓倓

儀

第一百九

馬植

楊収

發 嚴 涉

路巖

韋保衡

盧攜

第一百十

鄭畋

王鐸

鐸

王徽

韋昭度

張濬

第一百十一

周寶

王處存

郛

鄧處訥

雷滿

陳儒

劉巨容

馮行襲

趙德諶

匡凝

楊守亮

楊晟

顧彥朗

彥暉

第一百十二

王重榮

珙珂

諸葛爽

李罕之

王敬武

師範

孟方立 遷

第一百十三

楊行密

時溥

朱宣

孫儒

第一百十四

高仁厚

趙犇 昶 珙

田頔

朱延壽

第一百十五

劉建鋒

成汭

杜洪

鍾傳

劉漢宏

張雄

王潮 審 邦

劉知謙 盧 光 稠

第一百十六

忠義上

夏侯端

劉感

常達

敬君弘

謝叔方

呂子臧

馬元規

王行敏

盧士範

李玄通

羅士信

張道源

楚金

李育德

李公逸

張善相

高歡

仲舒

安金藏

王同皎

潛周標

吳保安

李愷

源彭

盧弈

元輔

張介然

崔無諛

第一百十七

忠義中

顏杲卿

春卿

賈循

隱林

張巡

許遠

南霽雲 雷萬春

姚閭

第一百十八

忠義下

程千里

袁光廷

龐堅

薛愿

張興

蔡廷玉

符令奇

璘

劉廼

孟華

張仝

周曾

張名振

石演芬

吳淑

高沐

賈直言

辛讜

黃碣

孫揆

第一百十九

卓行

元德秀

李萼

權臯

甄濟

陽城

何蕃

司空圖

第一百二十

孝友

李知本

張志寬

劉君良

王少玄

任敬臣

支叔才

程表師

武弘度

宋思禮

鄭潛曜

元讓

裴敬彝

梁文貞

沈季詮

許伯會

陳集原

陸南金

張琇

侯知道

程俱羅

許法慎

林攢

陳饒奴

王博武

萬敬儒

章金益

第一百二十一

隱逸

王績

朱桃椎

孫思邈

田游巖

史德義

孟詵

王友貞

王希夷

李元愷

唐書金丁
衛大經

武攸緒

白履忠

盧鴻

吳筠

潘師正 劉道合 司馬承祚

賀知章

秦系

張志和

孔述睿

敏行

陸羽

崔觀

陸龜蒙

第一百二十二

循吏

韋仁壽

陳君賓

張允濟

李桐客

李素立

至遠 畬 巖

薛大鼎

克構

賈敦頤

郭實 楊德幹

田仁會

歸道

裴懷古

韋景駿

李惠登

羅珣

讓

韋丹

宙 岫

盧弘宣

薛元賞

何易子

第一百二十三

儒學上

徐文遠

陸德明

曹憲

顏師古

相時游秦

孔穎達

王恭馬嘉運

歐陽詢

通

朱子奢

張士衡

賈大隱

張後胤

蓋文達

文懿

谷那律

從政

蕭德言

許叔牙子儒

敬播

劉伯壯秦景通劉訥言

羅道琮

第一百二十四

儒學中

郎餘令

餘慶

徐齊聃

堅嶠

沈伯儀

路敬淳

敬潛

王元感

王紹宗

彭景直

盧粲

尹知章

張齊賢

柳冲

馬懷素

躬踐猷

孔若思

季詡至

第一百二十五

儒學下

褚无量

徐安貞

元行冲

陳貞節

施劼本

盧履冰

王仲丘

康子元

侯行果

趙冬曦

尹愔陸堅鄭欽說盧僕

啖助

韋彤

陳京

暢當

林蘊

韋公肅

許康佐

第一百二十六

文藝上

袁朗

諡承序利貞

賀德仁

庾抱

蔡允恭

謝偃

崔信明

鄭世翼

劉延祐

藏器知柔

張昌齡

崔行功

銑

杜審言

易簡甫

王勃

勳助楊炯盧照隣駱賓王

元萬頃

正義方

季方

范履冰

周思茂

胡楚賓

第一百二十七

文藝中

李適

韋元旦

劉允濟

沈佺期

宋之問

閻朝隱

尹元凱

富嘉謨

劉憲

李邕

呂向

王翰

孫逖

成簡

李白

張旭

王維

鄭虔

蕭穎士

存

陸據

柳井

皇甫冉

蘇源明

梁肅

第一百二十八

文藝下

李華

翰觀

孟浩然

王昌齡

崔顥

劉太真

邵說

于邵

崔元翰

于公異

李益

盧綸

歐陽詹

柜

李賀

吳武陵

李商隱

薛逢

李頻

吳融

第一百二十九

方技

李淳風

甄權

許胃宗

張文仲

袁天綱

客師金梁鳳

張憬藏王遠知

乙弗弘禮

薛頤

葉法善

明崇儼

尚獻甫

嚴善思

杜生

張果

邢和璞

師夜光羅思遠

姜撫

桑道茂

第一百三十

烈女

李德武妻裴淑英

楊慶妻王

房玄齡妻盧

獨孤師仁姆王蘭英

楊三安妻李

樊會仁母昝

衛孝女無忌

鄭義宗妻盧

劉叔妻夏侯碎金

于敏直妻張

楚王靈龜妃上官

楊紹宗妻王

賈孝女

李氏妻王阿足

樊彥琛妻魏

李畬母

汧女李

崔繪妻盧

堅貞節婦李

符鳳妻玉英

高睿妻秦

王綝妻韋

盧惟清妻徐

饒娥

寶伯女仲女

盧甫妻李

鄰待徵妻薄

金節婦

高愍女

楊烈婦

賈直言妻董

李孝女妙法

李湍妻

董昌齡母楊

王孝女和子

段居貞妻謝

楊含妻蕭

韋雍妻蕭

衡方厚妻程

鄭孝女

李廷節妻崔

郭保晦妻封綯

寶烈婦

李拯妻盧

山陽女趙

周迪妻

朱延壽妻王

第一百三十一

外戚

獨孤懷恩

武士護

士稜
士逸
承嗣
三思
懿宗
攸暨

韋溫

王仁皎

守一

楊國忠

李儵

鄭光

第一百三十二

官者上

楊思勗

高力士

程元振

駱奉先

魚朝恩

竇文場

霍仙鳴

劉貞亮

吐突承瓘

馬存亮

嚴遵美

仇士良

楊復光

第一百三十三

官者下

李輔國

王守澄

劉克明

田令孜

楊復恭

劉季述

韓全誨

張彥弘

第一百三十四

酷吏

索元禮

來俊臣

來子珣 周興 丘神勣

侯思止

王弘義

郭弘霸

姚紹之

周利貞

王旭

吉溫

羅希奭

崔器

毛若虛

敬羽

第一百三十五

藩鎮魏博

田承嗣

悅 緒 季安 懷諫 紹

史憲誠

何進滔

弘敬 樂彦祿 全皞 韓允中 簡

羅弘信

紹威

第一百三十六

藩鎮鎮冀

李寶臣

惟岳 惟簡

王武俊

士真 承宗

王廷湊

元逵 紹鼎 紹懿 景崇 鎔

第一百三十七

藩鎮盧龍

李懷仙

朱滔

劉忬 濟總

朱克融

李載義 楊志誠 史元忠

張仲武 直方

張允伸 張公素

李茂勳 可舉

李全忠 匡威 匡籌

劉仁恭

第一百三十八 藩鎮淄青橫海

李正己 納 師古 師道

程日華 懷直 懷信 權

李全略 同捷

第一百三十九 藩鎮宣武彰義澤潞

劉玄佐 鄧惟恭

吳少誠 少陽 元濟 李祐

劉悟 從諫 積 李佐之 李師晦 李丕

第一百四十上

突厥上

第一百四十下

突厥下

第一百四十一上

吐蕃上

第一百四十一下

吐蕃下

第一百四十二上

回鶻上

第一百四十二下

回鶻下

第一百四十三

沙陀

第一百四十四

北狄

契丹

奚

室韋

黑水靺鞨

渤海

第一百四十五

東夷

高麗

百濟

新羅

日本

流鬼

第一百四十六上

西域上

泥婆羅

党項

東女

高昌

吐谷渾

焉耆

龜茲

跋祿迦

疏勒

于闐

天竺

摩揭陀

罽賓

第一百四十六下

西域下

康

寧遠

大勃律

吐火羅

謝颺

識匿

箇失密

骨咄

蘇毗

師子

波斯

拂菻

大食

第一百四十七上

南蠻上

南詔上

第一百四十七中

南蠻中

南詔下

蒙嵩詔

越折詔

浪穹詔

蓬陵詔

施浪詔

第一百四十七下

南蠻下

環王

盤盤

扶南

眞臘

訶陵

投和

瞻博

室利佛逝

名薈

單單

驃

兩爨爨

南平獠

西原蠻

第二百四十八上

姦臣上

許敬宗

李義府

傅游藝

李林甫

陳希烈

第二百四十八下

姦臣下

盧杞

崔涓

崔昭緯

柳璨

蔣玄暉
氏叔琮

張廷範
朱友恭

第二百四十九上

叛臣上

僕固懷恩

周智光

梁崇義

李懷光

陳少游

李錡

唐書錄卷下
第二百四十九下

叛臣下

李忠臣

喬琳

高駢

朱玫

王行瑜

陳敬瑄

李巨川

第二百五十上

逆臣上

安祿山

慶緒
孫孝哲

高尚

史思明

朝義

第二百五十中

逆臣中

李希烈

朱泚

第一百五十下

逆臣下

黃巢

秦宗權

董昌

唐書錄卷下



本紀第一

唐書一

翰林學士兼龍圖閣學士朝散大夫給事中知制誥充史館脩判

敕撰

高祖神堯大聖大光孝皇帝諱淵字叔德姓李氏隴西成紀人也其七世祖暕當晉末據秦涼以自王是爲涼武昭王暕生歆歆爲沮渠蒙遜所滅歆生重耳魏弘農太守重耳生熙金門鎮將戍于武川因留家焉熙生天賜爲幢主天賜生虎西魏時賜姓大野氏官至太尉與李弼等八人佐周代魏有功皆爲柱國號八柱國家周閔帝受魏禪虎已卒乃追錄其功封唐國公諡曰襄襄公生昞襲封唐公隋安州摠管柱國大將軍卒諡曰仁仁公生高祖於長安體有三乳性寬仁襲封唐公隋文帝獨孤皇后高祖之從母也以故文帝與高祖相親愛文帝相周復高祖姓李氏以爲千牛備身事隋譙隴二州刺史大業中歷岐州刺史榮陽樓煩二郡太守召爲殿內少監衛尉少卿煬帝征遼東遣高祖督運糧於懷遠鎮

楊玄感將反其兄弟從征遼者皆逃歸高祖先覺以聞煬帝遽班師以高祖爲弘化留守以禦玄感詔關右諸郡兵皆受高祖節度是時隋政荒天下大亂煬帝多以猜忌殺戮大臣嘗以事召高祖高祖遇疾不時謁高祖有甥王氏在後宮煬帝問之王氏對以疾煬帝曰可得死否高祖聞之益懼因縱酒納賂以自晦十一年拜山西河東慰撫大使擊龍門賊毋端兒射七十發皆中賊敗去而斂其尸以築京觀盡得其箭於其尸又擊絳州賊柴保昌降其衆數萬人突厥犯塞高祖與馬邑太守王仁恭擊之隋兵少不敵高祖選精騎二千爲游軍居處飲食隨水草如突厥而射獵馳騁示以閒暇別選善射者伏爲奇兵虜見高祖疑不敢戰高祖乘而擊之突厥敗走十三年拜太原留守擊高陽歷山飛賊甄翟兒于西河破之是時煬帝南遊江都天下盜起高祖子世民知隋必亡陰結豪傑招納亡命與晉陽令劉文静謀舉大事計已決而高祖未知欲以情告懼不見聽高祖留守太原領晉陽宮監而所善客

裴寂爲副監世民陰與寂謀寂因選晉陽宮人私侍高祖高祖過寂飲酒酒酣從容寂具以大事告之高祖大驚寂曰正爲宮人奉公事發當誅爲此爾世民因亦入白其事高祖初陽不許欲執世民送官已而許之曰吾愛汝豈忍告汝邪然未有以發而所在盜賊益多突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復馳使者赦止高祖其事遂已是時劉武周起馬邑林士弘起豫章劉元進起晉安皆稱皇帝朱粲起南陽號楚帝李子通起海陵號楚王邵江海據岐州號新平王薛舉起金城號西秦霸王郭子和起榆林號永樂王竇建德起河間號長樂王王須拔起恒定號漫天王汪華起新安杜伏威起淮南皆號吳王李密起鞏號魏公王德仁起鄴號太公左才相起齊郡號博山公羅藝據幽州左難當據涇馮盎據高羅皆號總管梁師都據朔方號大丞相孟海公據曹州號錄事周文舉據淮陽號柳葉軍高開道據北平張長孫據五原周洮據上洛楊

士林據山南徐圓朗據兗州楊仲達據豫州張善相據伊汝王要漢據汴州時德睿據尉氏李義滿據平陵蔡公順據青萊淳于難據文登徐師順據任城蔣弘度據東海王薄據齊郡蔣善合據鄆州田留安據章丘張青特據濟北臧君相據海州殷恭邃據舒州周法明據永安苗海潮據永嘉梅知巖據宣城鄧文進據廣州俚酋楊世略據循潮冉安昌據巴東甯長真據鬱林其別號諸盜往往屯聚山澤而劉武周攻汾陽宮高祖乃集將吏告曰今吾爲留守而賊據離宮縱賊不誅罪當死然出兵必待報今江都隔遠後期柰何將吏皆曰國家之利可專者公也高祖曰善乃募兵旬日間得衆一萬副留守虎賁郎將王威虎牙郎將高君雅見兵大集疑有變謀因禱雨晉祠以圖高祖高祖覺之乃陰爲備五月甲子高祖及威君雅視事開陽府司馬劉政會告威君雅反即坐上執之丙寅突厥犯邊高祖令軍中曰人告威君雅召突厥今其果然遂殺之以起兵遣劉文靜使突厥約連和六月己卯傳檄諸郡稱

義兵開大將軍府置三軍以子建成爲隴西公左領軍大都督左
軍隸焉世民爲燉煌公右領軍大都督右軍隸焉元吉爲姑臧公
中軍隸焉裴寂爲長史劉文靜爲司馬石艾縣長殷開山爲掾劉
政會爲屬長孫順德王長諧劉弘基竇琮爲統軍開倉庫賑窮乏
七月壬子高祖杖白旗誓衆於野有兵三萬以元吉爲太原留守
癸丑發太原甲寅遣將張綸徇下離石龍泉文城三郡丙辰次靈
石營於賈胡堡隋虎牙郎將宋老生屯于霍邑以拒義師丙寅隋
鷹揚府司馬李軌起武威號大涼王八月辛巳敗宋老生于霍邑
丙戌下臨汾郡辛卯克絳郡癸巳次龍門突厥來助隋驍衛大將
軍屈突通守河東絕津梁壬寅馮翊賊孫華土門賊白玄度皆具
舟以來逆九月戊午高祖領太尉加置僚佐以少牢祀河乃濟甲
子次長春宮丙寅隴西公建成劉文靜屯永豐倉守潼關燉煌公
世民自渭北徇三輔從父弟神通起兵于鄠柴氏婦高祖女也亦
起兵于司竹皆與世民會郿賊丘師利李仲文整屋賊何潘仁向

善思宜君賊劉昇等比皆來降因略定鄆杜壬申高祖次馮翊乙亥
燉煌公世民屯阿城隴西公建成自新豐趨霸上丙子高祖自下
邽以西所經隋行宮苑籞悉罷之出宮女還其家十月辛巳次長
樂宮有衆二十萬隋留守衛文昇等奉代王侑守京城高祖遣使
諭之不報乃圍城下令曰犯隋七廟及宗室者罪三族丙申隋羅
山令蕭銑自號梁公十一月丙辰克京城命主符郎宋公弼收圖
籍約法十二條殺人劫盜背軍叛者死癸亥遙尊隋帝爲太上皇
立代王爲皇帝大赦改元義寧甲子高祖入京師至朝堂望闕而
拜隋帝授高祖假黃鉞使持節大都督內外諸軍事大丞相錄尚
書事進封唐王以武德殿爲丞相府下教曰令視事于虔化門十
二月癸未隋帝贈唐襄公爲景王仁公爲元王夫人竇氏爲唐國妃
謚曰穆以建成爲唐國世子世民爲唐國內史徙封秦國公元吉
爲齊國公丞相府置長史司錄以下官趙郡公孝恭徇山南甲辰
雲陽令詹俊徇巴蜀二年正月丁未隋帝詔唐王劔履上殿入朝

不趨贊拜不名加前後羽葆鼓吹戊午周洮降戊辰世子建成爲左元帥秦國公世民爲右元帥徇地東都二月己卯太常卿鄭元璿定樊鄧使者馬元規徇荆襄三月己酉齊國公元吉爲太原道行軍元帥乙卯世民徙封趙國公丙辰隋右屯衛將軍宇文文化及弑太上皇于江都立秦王浩爲皇帝吳興郡守沈法興據丹陽自稱江南道總管樂安人盧祖尚據光州自稱刺史戊辰隋帝進唐王位相國總百揆備九錫唐國置丞相等官立四廟四月己卯張長孫降辛巳停竹使符班銀莧符五月乙巳隋帝命唐王冕十有二旒建天子旌旗出警入蹕甲寅王德仁降戊午隋帝遜于位以刑部尚書蕭造司農少卿裴之隱奉皇帝璽綬於唐王三讓乃受武德元年五月甲子即皇帝位于太極殿命蕭造兼太尉告于南郊大赦改元賜百官庶人爵一級義師所過給復三年其餘給復一年改郡爲州太守爲刺史庚午太白晝見隋東都留守元文都及左武衛大將軍王世充立越王侗爲皇帝六月甲戌趙國公世

民爲尚書令裴寂爲尚書右僕射知政事劉文靜爲納言隋民部尚書蕭瑀丞相府司錄參軍竇威爲內史今丙子太白晝見己卯追諡皇高祖曰宣簡公皇曾祖曰懿王皇祖曰景皇帝廟號太祖祖妣梁氏曰景烈皇后皇考曰元皇帝廟號世祖妣獨孤氏曰元貞皇后妃竇氏曰穆皇后庚辰立世子建成爲皇太子封世民爲秦王元吉齊王癸未薛舉寇涇州秦王世民爲西討元帥劉文靜爲司馬太僕卿宇文明達招慰山東乙酉奉隋帝爲鄴國公詔曰近世時運遷革前代親族莫不夷絕曆數有歸實惟天命興亡之效豈伊人力前隋蔡王智積等子孫皆選用之矣已禁言符瑞者辛丑竇威薨黃門侍郎陳叔達判納言將作大匠竇抗兼納言七月壬子劉文靜及薛舉戰于涇州敗績乙卯郭子和降庚申廢隋離宮八月壬申劉文靜除名戊寅約功臣怨死罪辛巳薛舉卒壬午李軌降甲申巖州刺史王德仁殺招慰使宇文明達以反己丑秦王世民爲西討元帥以討薛仁果庚子贈隋太常卿高顯上

柱國鄒國公上柱國賀若弼杞國公司隸大夫薛道衡上開府臨
河縣公刑部尚書宇文弼上開府平昌縣公左翊衛將軍董純柱
國狄道公右驍衛將軍李金才上柱國申國公左光祿大夫李敏
柱國觀國公諸遭隋枉殺而子孫被流者皆還之九月乙巳慮囚
始置軍府癸丑改銀蕤符爲銅魚符甲寅秦州摠管竇軌及薛仁
果戰敗績辛未宇文化及殺秦王浩自稱皇帝十月壬申朔日有
食之己卯李密降壬午朱粲陷鄧州刺史呂子臧死之乙酉邵江
海降己亥盜殺商州刺史泉彥辛丑大閱是月竇抗罷十二月
竇建德敗王須拔于幽州須拔亡入于突厥乙巳涼王李軌反戊
申禁獻侏儒短節小馬庫牛異獸奇禽者己酉秦王世民敗薛仁
果執之癸丑行軍摠管趙慈景攻蒲州隋刺史堯君素拒戰執慈
景癸亥秦王世民俘薛仁果以獻十二月壬申世民爲太尉丙子
蒲州人殺堯君素立其將王行本辛巳鄭元璫及朱粲戰于商州
敗之乙酉如周氏陂丁亥至自周氏陂庚子光祿卿李密反伏誅

是歲高開道陷漁陽號燕王

二年正月甲子陳叔達兼納言詔自今正月五月九月不行死刑
禁屠殺而寅張善相降己巳楊士林降二月乙酉初定租庸調法
令文武官終喪丙戌州置宗師一人甲午赦并浩介石四州賈胡堡
以北繫囚閏月寅建德陷邢州執揔管陳君賓辛丑寅建德殺宇
文化及于聊城朱粲降壬寅皇太子及秦王世民裴寂巡于畿縣
乙巳御史大夫段確勞朱粲于菊潭庚戌微行察風俗乙卯以穀
貴禁關內屠酤左屯衛將軍何潘仁及山賊張子惠戰于司竹死
之丁巳慮囚庚申驍騎將軍趙欽王娒羅及山賊戰于盤屋死之
丁卯王世充陷殷州陟州刺史李育德死之三月甲戌王薄降庚
辰蔣弘度徐師順降丁亥寅建德陷趙州丁酉李義滿降四月基
公順降庚子并州揔管齊王元吉及劉武周戰于榆次敗績辛丑
朱粲殺段確以反乙巳王世充廢越王侗自稱皇帝癸亥陷伊州
執揔管張善相五月庚辰涼州將安脩仁執李軌以降癸未曲赦

涼甘瓜鄯肅會蘭河廓九州六月王世充殺越王侗戊戌立周公
孔子廟于國子監庚子竇建德陷滄州丁未劉武周陷介州癸亥
裴寂爲晉州道行軍總管離石胡劉季真叛陷石州刺史王儉死
之七月壬申徐圓朗降八月丁酉鄯國公薨甲子竇建德陷洛州
執總管袁子幹九月辛未殺戶部尚書劉文靜李子通自稱皇帝
沈法興自稱梁王丁丑杜伏威降裴寂及劉武周戰于介州敗績
右武衛大將軍姜寶誼死之庚辰竇建德陷相州總管呂珉死之
辛巳劉武周陷并州庚寅太白晝見竇建德陷趙州執總管張志
昂乙未京師地震梁師都寇延州鄜州刺史梁禮死之十月己亥
羅藝降乙卯如華陰赦募士背軍者壬戌劉武周寇晉州永安王
孝基及工部尚書獨孤懷恩陝州總管于筠內史侍郎唐儉討之
甲子祠華山是月夏縣人呂崇茂反秦主世民討劉武周十一月
丙子竇建德陷黎州執淮安王神通總管李世勣十二月丙申獵
于華山永安王孝基及劉武周戰于下邳敗績壬子大風拔木

三年正月己巳獵于渭濱戊寅王行本降辛巳如蒲州癸巳至自蒲州二月丁酉京師西南地有聲庚子如華陰甲寅獨孤懷恩謀反伏誅辛酉檢校隰州總管劉師善謀反伏誅三月庚午改納言爲侍中內史令爲中書令甲戌中書侍郎封德彝兼中書令乙酉劉季真降四月丙申祠華山壬寅至自華陰癸卯禁關內諸州屠甲寅秦王世民及宋金剛戰于雀鼠谷敗之辛酉王世充陷鄧州總管雷四郎死之壬戌秦王世民及劉武周戰于洛州敗之武周亡入于突厥克并州五月壬午秦王世民屠夏縣六月丙申赦晉隰潞并四州癸卯詔隋帝及其宗室極在江都者爲營宮室置陵廟以故宮人守之丙午慮囚封子元景爲趙王元昌魯王元亨鄭王元西出宮女五百人賜東征將士有功者甲寅顯州長史田瓚殺行臺尚書令楊士林叛附于王世充乙卯涇州縣暴骨七月壬戌秦王世民討王世充甲戌皇太子屯于蒲州以備突厥丙戌梁師都導突厥稽胡寇邊行軍總管段德操敗之八月庚子慮囚甲辰時德

歡降九月癸酉田瓚降己丑給復陝鼎熊穀四州二年十月戊申
高開道降己酉楊仲達降己未有星隕于東都十二月己酉瓜州
刺史賀拔行威反

四年正月辛巳皇太子伐稽胡二月竇建德陷曹州執孟海公己
丑車騎將軍董阿興反于隴州伏誅乙巳太常少卿李仲文謀反
伏誅丙午慮囚丁巳赦代州摠管府石嶺之北三月進封且都郡
王泰爲衛王庚申慮囚乙酉竇建德陷管州刺史郭志安死之四
月壬寅齊王元吉及王世充戰于東都敗績行軍摠管盧君諤死
之戊申突厥寇并州執漢陽郡王瓌太常卿鄭元璫左驍騎衛大
將軍長孫順德甲寅封子元方爲周王元禮鄭王元嘉宋王元則
荆王元茂越王丁巳左武衛將軍王君廓敗張青特執之五月壬
戌秦王世民敗竇建德于虎牢執之乙丑赦山東爲建德所誅誤
者戊辰王世充降庚午周法明降六月庚寅赦河南爲王世充所
誅誤者戊戌蔣善合降庚子營州人石世則執其摠管晉文衍叛

附于赫鞠乙卯臧君相降七月甲子秦王世民俘王世充以獻丙寅竇建德伏誅丁卯大赦給復天下二年陝鼎函虢虞芮豳七州二年甲戌劉黑闥反于貝州辛巳戴州刺史孟噉鬼反伏誅八月丙戌朔日有食之丁亥皇太子安撫北境丁酉劉黑闥陷鄆縣魏州刺史權威貝州刺史戴元祥死之癸卯突厥寇代州執行軍摠管王孝基丁未劉黑闥陷歷亭屯衛將軍王行敏死之辛亥深州人崔元遜殺其刺史裴晞叛附于劉黑闥兗州摠管徐圓朗反九月盧祖尚降乙卯淳于難降甲子汪華降是秋蔓州摠管趙郡王孝恭率十二摠管兵以討蕭銑十月己丑秦王世民爲天策上將領司徒齊王元吉爲司空庚寅劉黑闥陷瀛州執刺史盧士叡又陷觀州癸卯毛州人董燈明殺其刺史趙元愷乙巳趙郡王孝恭敗蕭銑于荊州執之閏月乙卯如稷州己未幸舊野壬戌獵于好時乙丑獵于九嵕丁卯獵于仲山戊辰獵于清水谷遂幸三原辛未如周氏陂壬申至自周氏陂十一月甲申有事于南郊庚寅李子

通降丙申子通謀反伏誅壬寅劉黑闥陷定州摠管李玄通死之
庚戌杞州人周文舉殺其刺史王孝矩叛附于黑闥十二月乙卯
黑闥陷冀州摠管麴稜死之甲子左武侯將軍李世勣及黑闥戰
于宋州敗績丁卯秦王世民齊王元吉討黑闥已巳黑闥陷邢州
庚午陷魏州摠管潘道毅死之辛未陷業州壬申徙封元嘉爲
徐王

五年正月乙酉劉黑闥陷相州刺史房晃死之丙戌房恭邃降丁
亥濟州別駕劉伯通執其刺史竇務本叛附于徐圓朗庚寅東鹽
州治中王才藝殺其刺史田華叛附于劉黑闥丙申相州人殺其
刺史獨孤徹以其州叛附于黑闥已酉楊世略劉元進降二月王
要漢降已巳秦王世民克邢州丁丑劉黑闥陷洛水摠管羅士信
死之戊寅汴州摠管王要漢敗徐圓朗于杞州執周文舉三月戊
戌譚州刺史李義滿殺齊州都督王薄丁未秦王世民及劉黑闥
戰于洛水敗之黑闥亡于突厥蔚州摠管高開道反寇易州刺史

慕容孝幹死之四月梁州野蠶成繭丹安昌降己未寔長眞降戊辰釋沐罪以下穫麥壬申代州摠管李大恩及突厥戰死之戊寅鄧文進降五月田留安降庚寅瓜州人王幹殺賀拔行威以降乙巳賜荊州今歲田租六月辛亥劉黑闥與突厥寇山東車騎將軍元韶爲瓜州道行軍摠管以備突厥癸丑吐谷渾寇洮岷疊三州岷州摠管李長卿敗之乙卯淮安郡王神通討徐圓朗七月甲申作弘義官甲午淮陽郡王道玄爲河北道行軍摠管討劉黑闥貝州人董該以定州叛附于黑闥丙申突厥殺劉武周于白道遷州人鄧士政反執其刺史李訥昂丁酉馮盎降八月辛亥葬隋煬帝甲寅吐谷渾寇岷州益州道行臺左僕射竇軌敗之乙卯突厥寇邊庚申皇太子出豳州道秦王世民出秦州道以禦突厥己巳吐谷渾陷洮州并州摠管襄邑郡王神符及突厥戰于汾東敗之戊寅突厥陷大震關九月癸巳靈州摠管楊師道敗之于三觀山丙申洪州摠管宇文歆又敗之于崇岡壬寅定州摠管雙士洛驃騎將

軍魏道仁又敗之于恒山之陽丙午領軍將軍安興貴又敗之于甘州劉黑闥陷瀛州刺史馬匡武死之東鹽州人馬君德以其州叛附于黑闥十月己酉齊王元吉討黑闥癸丑貝州刺史許善護及黑闥戰于鄆縣死之甲寅觀州刺史劉君會叛附于黑闥乙丑淮陽郡王道玄及黑闥戰于下博死之己巳林士弘降十一月庚辰劉黑闥陷滄州甲申皇太子討黑闥丙申如宜州癸卯獵于富平北原十二月丙辰獵于萬壽原戊午劉黑闥陷恒州刺史王公政死之庚申至自萬壽原壬申皇太子及劉黑闥戰于魏州敗之甲戌又敗之于毛州

六年正月己卯黑闥將葛德威執黑闥以降壬午雋州人王摩娑反驃騎將軍衛彥討之庚寅徐圓朗陷泗州二月劉黑闥伏誅庚戌幸溫湯壬子獵于驪山甲寅至自溫湯丙寅行軍總管李世勣敗徐圓朗執之三月苗海潮梅知巖左難當降乙巳洪州總管張善安反四月己酉吐蕃陷芳州己未以故第爲通義宮祭元皇帝

元貞皇后于舊寢赦京城賜從官帛辛酉張善安陷孫州執摠管
王戎丁卯南州刺史龐孝泰反陷南越州壬申封子元璠爲蜀王
元慶漢王癸酉裴寂爲尚書左僕射蕭瑀爲右僕射封德彝爲中
書令吏部尚書楊恭仁兼中書令檢校涼州諸軍事五月庚寅吐
谷渾党項寇河州刺史盧士良敗之癸卯高開道以奚寇幽州長
史王說敗之六月丁卯突厥寇朔州摠管高滿政敗之曲赦朔州
七月丙子沙州別駕竇伏明反殺其摠管賀若懷廓己亥皇太子
屯于北邊秦王世民屯于并州以備突厥八月壬子淮南道行臺
左僕射輔公祏反乙丑趙郡王孝恭討之九月壬辰秦王世民爲
江州道行軍元帥丙申渝州人張大智反十月丙午殺廣州都督
劉世讓戊申降死罪流以下原之己未如華陰張大智降庚申獵
于白鹿原壬戌右虞候率杜士遠殺高滿政以朔州反丁卯突厥
請和十一月壬午張善安襲殺黃州摠管周法明丁亥如華陰辛
卯獵于沙苑丁酉獵于伏龍原十二月壬寅朔日有食之癸卯張

善安降庚戌以奉義監爲龍躍宮武功宅爲慶善宮甲寅至自華陰

七年正月庚寅鄒州人鄧同穎殺其刺史李士衡二月丁巳釋奠于國學己未漁陽部將張金樹殺高開道以降三月戊戌趙郡王孝恭敗輔公祏執之己亥孝恭殺越州都督闕稜四月庚子大赦班新律令給復江州道二年揚越一年五月丙戌作仁智宮六月辛丑如仁智宮壬戌慶州都督楊文幹反七月己巳突厥寇朔州摠管秦武通敗之癸酉慶州人殺楊文幹以降甲午至自仁智宮雋州地震山崩遏江水閏月己未秦王世民齊王元吉屯于豳州以備突厥八月己巳吐谷渾寇鄯州驃騎將軍彭武傑死之戊寅突厥寇綏州刺史劉大俱敗之王辰突厥請和丁酉裴寂使于突厥十月丁卯如慶善宮辛未獵于鄆南癸酉幸終南山丙子謁樓觀老子祠庚寅獵于圍川十二月丁卯如龍躍宮戊辰獵于高陵庚午至自高陵太子詹事裴矩檢校侍中

八年二月癸未慮囚四月甲申如鄆獵于甘谷作太和宮丙戌至
自鄆六月甲子如太和宮七月丙午至自太和宮丁巳秦王世民
屯于蒲州以備突厥八月壬申并州行軍總管張瑾及突厥戰于
太谷敗績鄆州都督張德政死之執行軍長史溫彥博甲申任城
郡王道宗及突厥戰于靈州敗之丁亥突厥請和十月辛巳如周
氏陂獵于北原壬午如龍躍宮十一月辛卯如宜州獵于西原裴
矩罷庚子講武于同官天策府司馬宇文士及權檢校侍中辛丑
徙封元璿爲吳王元慶陳王癸卯秦王世民爲中書令齊王元吉
爲侍中癸丑獵于華池北原十二月辛酉至自華池庚辰獵于鳴
犢泉辛巳至自鳴犢泉

九年正月甲寅裴寂爲司空二月庚申齊王元吉爲司徒壬午有
星孛于胃昴丁亥孛于卷舌三月庚寅幸昆明池習水戰壬辰至
自昆明池丙午如周氏陂乙卯至自周氏陂丁巳突厥寇涼州都督
長樂郡王幼良敗之四月辛巳廢浮屠老子法六月丁巳太白經天

庚申秦王卬民殺皇太子建成齊王元吉大赦復浮屠老子法癸亥立秦王卬民爲皇太子聽政賜爲父後者襲勳爵赤牒官得爲真免民逋租宿賦己卯太白晝見庚辰幽州都督盧江郡王瑗反伏誅癸未赦幽州管内爲瑗所誣誤者七月辛卯楊恭仁罷太子右庶子高士廉爲侍中左庶子房玄齡爲中書令蕭瑀爲尚書左僕射癸巳宇文士及爲中書令封德彝爲尚書左僕射辛亥太白晝見甲寅太白晝見八月丙辰突厥請和丁巳太白晝見壬戌吐谷渾請和甲子皇太子即皇帝位貞觀三年太上皇徙居大安宮九年五月崩于垂拱前殿年七十一諡曰太武廟號高祖上元元年改諡神堯皇帝天寶八載諡神堯大聖皇帝十三載增諡神堯大聖大光孝皇帝

贊曰自古受命之君非有德不王自夏后氏以來始傳以世而有賢有不肖故其爲世數亦或短或長論者乃謂周自后稷至於文武積功累仁其來也遠故其爲世尤長然考於世本夏商周皆出

於黃帝夏自鯀以前商自契至於成湯其間寂寥無聞與周之興異矣而漢亦起於亭長叛亡之徒及其興也有天下皆數百年而後已由是言之天命豈易知哉然考其終始治亂顧其功德有厚薄與其制度紀綱所以維持者如何而其後世或寢以隆昌或遽以壞亂或漸以陵遲或能振而復起或遂至於不可支持雖各因其勢然有德則興無德則絕豈非所謂天命者常不顯其符而俾有國者兢兢以自勉耶唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖其有治有亂或絕或微然其有天下年幾三百可謂盛哉豈非人厭隋亂而蒙德澤繼以太宗之治制度紀綱之法後世有以憑藉扶持而能永其天命歟

本紀第一

本紀第二

唐書二

翰林學士兼龍圖閣學士朝散大夫給事中知制誥充史館脩撰臣歐陽脩奉

敕撰

太宗文武大聖大廣孝皇帝諱世民高祖次子也母曰太穆皇后竇氏生而不鵠方四歲有書生謁高祖曰公在相法貴人也然必有貴子及見太宗曰龍鳳之姿天日之表其年幾冠必能濟世安民書生已辭去高祖懼其語泄使人追殺之而不知其所往因以爲神乃採其語名之曰世民大業中突厥圍煬帝鴈門煬帝從圍中以木繫詔書投汾水而下募兵赴援太宗時年十六往應募隸將軍雲定興謂定興曰虜敢圍吾天子者以爲無援故也今宜先後吾軍爲數十里使其書見旌旗夜聞鉦鼓以爲大至則可不擊而走之不然知我虛實則勝敗未可知也定興從之軍至崞縣突厥候騎見其軍來不絕果馳告始畢可汗曰救兵大至矣遂引去高祖擊歷山飛陷其圍中太宗馳輕騎取之而出遂奮擊大破之

太宗爲人聰明英武有大志而能屈節下士時天下已亂盜賊起知隋必亡乃推財養士結納豪傑長孫順德劉弘基等皆因事亡命匿之又與晉陽令劉文靜尤善文靜坐李密事繫獄太宗夜就獄中見之與圖大事時百姓避賊多入城城中幾萬人文靜爲令久知其豪傑因共部署計已定乃因裴寂告高祖高祖初不許已而許之高祖已起兵建大將軍府太宗率兵徇西河斬其郡丞高德儒拜右領軍大都督封燉煌郡公唐兵西將至霍邑會天久雨糧且盡高祖謀欲還兵太原太宗諫曰義師爲天下起也宜直入咸陽號令天下今還守一城是爲賊爾高祖不納太宗哭于軍門高祖譙召問之對曰還則衆散於前而敵乘於後死亡須臾所以悲爾高祖寤曰起事者汝也成敗惟汝時左軍已先返即與隴西公建成分追之夜半太宗失道入山谷棄其馬步而及其兵與俱還高祖乃將而前遲明至霍邑宋老生不出太宗從數騎傳其城舉鞭指麾若將圍之者老生怒出背城陣高祖率建成居其東太

宗及柴紹居其南老生兵薄東陣建成隊焉老生乘之高祖軍却
太宗自南原馳下坂分兵斷其軍爲二而出其陣後老生兵敗走
遂斬之進次涇陽擊胡賊劉鷄子破之唐兵攻長安太宗屯金城
坊攻其西北遂克之義寧元年爲光祿大夫唐國內史徙封秦國
公食邑萬戶薛舉攻扶風太宗擊敗之斬首萬餘級遂略地至隴
右二年爲右元帥徙封趙國公率兵十萬攻東都不克而還設三
伏于三王陵敗隋將段達兵萬人武德元年爲尚書令右翊衛大
將軍進封秦王薛舉寇涇州太宗爲西討元帥進位雍州牧七月
太宗有疾諸將爲舉所敗八月太宗疾間復屯于高墪城相持六
十餘日已而舉死其子仁果率其衆求戰太宗按軍不動久之仁
果糧盡衆稍離叛太宗曰可矣乃遣行軍總管梁實柵淺水原仁
果將宗羅睺擊實太宗遣將軍龐玉救實玉軍幾敗太宗率兵出
其後羅睺敗走太宗追之至其城下仁果乃出降師還高祖遣李
密馳傳勞之于豳州密見太宗不敢仰視退而歎曰具英主也獻

捷太廟拜右武侯大將軍太尉使持節陝東道大行臺尚書令詔
蒲陝河北諸摠管兵皆受其節度二年正月鎮長春宮進拜左武
候大將軍涼州摠管是時劉武周據并州宋金剛陷滄州王行本
據蒲州而夏縣人呂崇茂殺縣令以應武周高祖懼詔諸將棄河
東以守關中太宗以爲不可棄願得兵三萬可以破賊高祖於是
悉發關中兵益之十一月出龍門關屯于栢壁三年四月擊敗宋
金剛于栢壁金剛走介州太宗追之一日夜馳二百里宿于雀鼠
谷之西原軍士皆饑太宗不食者二日行至浩州乃得食而金剛
將尉遲弼德尋相等皆來降劉武周懼奔于突厥其將楊伏念
舉并州降高祖遣蕭瑀即軍中拜太宗益州道行臺尚書令七月
討王世充敗之于北邙四年二月竇建德率兵十萬以援世充太
宗敗建德于虎牢執之世充乃降六月凱旋太宗被金甲陳鐵騎
一萬介士三萬前後鼓吹獻俘于太廟高祖以謂太宗功高古官
號不足以稱乃加號天策上將領司徒陝東道大行臺尚書令位

在王公上增邑戶至三萬賜袞冕金輅雙壁黃金六千斤前後鼓吹九部之樂班劍四十人五年正月討劉黑闥於洛州敗之黑闥既降已而復反高祖怒命太子建成取山東男子十五以上悉阬之毆其小弱婦女以實關中太宗切諫以爲不可遂已加拜左右十二衛大將軍七年突厥寇邊太宗與遇于幽州從百騎與其可汗語乃盟而去八年進位中書令初高祖起太原非其本意而事出太宗及取天下破宋金剛王世充竇建德等太宗功益高而高祖屢許以爲太子太子建成懼廢與齊王元吉謀害太宗未發元年六月太宗以兵入玄武門殺太子建成及齊王元吉高祖大驚乃以太宗爲皇太子八月甲子即皇帝位于東宮顯德殿遣裴寂告于南郊大赦武德涿人還之賜文武官勲爵免關內及蒲芮虞秦陝鼎六州二歲租給復天下一年民八十以上賜粟帛百歲加版授廢潼關以東瀕河諸關癸酉放宮女三千餘人丙子立妃長孫氏爲皇后癸未突厥寇便橋乙酉及突厥頡利盟于便橋九月壬

子禁私家妖神淫祀占卜非龜易立兆者十月丙辰朔日有食之
癸亥立中山郡王承乾爲皇太子丙辰蕭瑀陳叔達罷十一月庚
寅降宗室郡王非有功者爵爲縣公十二月癸酉慮囚是歲進封
子長沙郡王恪爲漢王宜陽郡王祐楚王

貞觀元年正月乙酉改元辛丑燕郡王李藝反于涇州伏誅二月
丁巳詔民男二十女十五以上無夫家者州縣以禮聘娶貧不能
自行者鄉里富人及親戚資送之鰥夫六十寡婦五十婦人有子
若守節者勿彊三月癸巳皇后親慈蠶丙午詔齊僕射崔季舒黃門
侍郎郭遵尚書右丞封孝琰以極三豆蒙難季舒子剛遵子雲孝琰
子君遵並及淫刑宜免內侍張敘以官閏月癸丑朔日有食之四
月癸巳涼州都督長樂郡王幼良有罪伏誅五月癸丑敕中書令
侍中朝堂受訟辭有陳事者悉上封六月辛丑封德彝薨甲辰太
子少師蕭瑀爲尚書左僕射是夏山東旱免今歲租七月壬子吏
部尚書長孫无忌爲尚書右僕射八月河南隴右邊州霜宇文士

及檢校涼州都督戊戌貶高士廉爲安州大都督九月庚戌朔日有食之辛酉遣使諸州行損田賑問下戶御史大夫杜淹檢校吏部尚書參議朝政字文士及罷辛未幽州都督王君廓奔于突厥十月丁酉以歲饑減膳十一月己未許子弟年十九以下隨父兄之官所十二月壬午蕭瑀罷戊申利州都督李孝常右武衛將軍劉德裕謀反伏誅

二年正月辛亥長孫无忌罷兵部尚書杜如晦檢校侍中摠監東宮兵馬事癸丑吐谷渾寇岷州都督李道彥敗之丁巳徙封恪爲蜀王泰越王祐燕王庚午刑部尚書李靖檢校中書令二月戊戌外官上考者給祿三月戊申朔日有食之壬子命中書門下五品以上及尚書議決死罪壬戌李靖爲關內道行軍大摠管以備薛延陀己巳遣使巡關內出金寶贖饑民鬻子者還之庚午以旱蝗責躬大赦癸酉兩四月己卯瘞隋人暴骸王寅朔方人梁洛仁殺梁師都以降六月甲申詔出使官稟具其家庚寅以子治生賜是

日生子者粟辛卯辰州刺史裴虔通以弑隋煬帝削爵涑驩州七月戊申萊州刺史牛方裕絳州刺史薛世良廣州長史唐奉義虎牙郎將高元禮以字文化及之黨皆除名徙于邊八月甲戌省冤獄于朝堂辛丑立二王後廟置國官九月壬子以有年賜酺三日十月庚辰杜淹薨戊子殺瀛州刺史盧祖尚十一月辛酉有事于南郊十二月壬辰黃門侍郎王珪守侍中癸巳禁五品以上過市三年正月丙午以旱避正殿癸丑官得上下考者給祿一年戊午享于太廟癸亥耕藉田辛未裴寂罷二月戊寅房玄齡爲尚書左僕射杜如晦爲右僕射尚書右丞魏徵爲祕書監參預朝政三月己酉慮囚四月乙亥太上皇徙居于大安宮甲午始御太極殿戊戌賜孝義之家粟五斛八十以上二斛九十以上三斛百歲加絹二匹婦人正月以來產子者粟一斛五月乙丑周王元方薨六月戊寅以旱慮囚己卯大風拔木壬午詔文武官言事八月己巳朔日有食之丁亥李靖爲定襄道行軍大總管以伐突厥九月丁巳華州

刺史柴紹爲勝州道行軍總管以伐突厥十一月庚申并州都督李世勣爲通漠道行軍總管華州刺史柴紹爲金河道行軍總管任城郡王道宗爲大同道行軍總管幽州都督衛孝節爲恒安道行軍總管營州都督薛萬淑爲暢武道行軍總管以伐突厥十二月癸未杜如晦罷閏月癸丑爲死兵者立浮屠祠辛酉慮囚是歲中國人歸自塞外及開四夷爲州縣者百二十餘萬人

四年正月丁卯朔日有食之癸巳武德殿北院火二月己亥幸溫湯甲辰李靖及突厥戰于陰山敗之丙午至自溫湯甲寅大赦賜酺五日御史大夫溫彥博爲中書令王珪爲侍中民部尚書戴胄檢校吏部尚書參豫朝政太常卿蕭瑀爲御史大夫與宰臣參議朝政丁巳以旱詔公卿言事三月甲午李靖俘突厥頡利可汗以獻四月戊戌西北君長請上號爲天可汗六月乙卯發卒治洛陽宮七月甲子朔日有食之癸酉蕭瑀罷甲戌太上皇不豫廢朝辛卯疾愈賜都督刺史文武官及民年八十以上孝子表門閭者有

唐書本紀
五
差八月甲寅李靖爲尚書右僕射九月庚午瘞長城南隋人暴骨
已卯如隴州壬午禁芻牧于古明君賢臣烈士之墓者十月壬辰
赦岐隴二州免今歲租賦降咸陽始平武功死罪以下辛丑獵于
貴泉谷甲辰獵于魚龍川獻獲于大安宮乙卯免武功今歲租賦
十一月壬戌右衛大將軍侯君集爲兵部尚書參議朝政甲子至
自隴州戊寅除鞭背刑十二月甲辰獵于鹿苑乙巳至自鹿苑是
歲天下斷死罪者二十九人

五年正月癸酉獵于昆明池丙子至自昆明池獻獲于大安宮二
月己酉封弟元裕爲鄮王元名譙王靈龜魏王元祥許王元曉密
王庚戌封子愔爲梁王貞漢王暉郊王治晉王慎申王囂江王簡
代王四月壬辰代王簡薨五月乙丑以金帛購隋人殺于突厥者
以還其家八月甲辰遣使高麗祭隋人戰亡者戊申殺大理丞張
蘊古十一月丙子有事于南郊十二月丁亥詔決死刑京師五覆
奏諸州三覆奏其日尚食毋進酒肉壬寅幸溫湯癸卯獵于驪山

賜新豐高年帛戊申至自溫湯癸丑赦關內

六年正月乙卯朔日有食之癸酉靜州山獠反右武衛將軍李子和敗之三月侯君集罷戊辰如九成宮丁丑降雍岐豳三州死罪以下賜民八十以上粟帛五月魏徵檢校侍中六月己亥酈王元亨薨死辛亥江王聿嘉薨七月己巳詔天下行鄉飲酒九月己酉幸慶善宮十月侯君集起復乙卯至自慶善宮十二月辛未慮囚縱死罪者歸其家是歲諸羌內屬者三十萬人

七年正月戊子斥宇文化及黨人之子孫勿齒辛丑賜京城酺三日二月丁卯雨土三月戊子王珪罷庚寅魏徵爲侍中五月癸未如九成宮六月辛亥戴胄薨八月辛未東西洞獠寇邊右屯衛大將軍張士貴爲龔州道行軍撫管以討之九月縱囚來歸皆赦之十月庚申至自九成宮乙丑京師地震十一月壬辰開府儀同三司長孫无忌爲司空十二月甲寅幸芙蓉園丙辰獵于少陵原戊午至自少陵原

八年正月辛丑張士貴及獠戰敗之壬寅遣使循省天下二月乙巳皇太子加元服丙午降死罪以下賜五品以上子爲父後者爵一級民酺三日三月庚辰如九成宮五月辛未朔日有食之是夏吐谷渾寇涼州左驍衛大將軍段志玄爲西海道行軍總管左驍衛將軍樊興爲赤水道行軍總管以伐之七月隴右出朔八月甲子有星孛于虛危十月作永安宮甲子至自九成宮十一月辛未李靖罷己丑吐谷渾寇涼州執行人鴻臚丞趙德楷十二月辛丑特進李靖爲西海道行軍大總管侯君集爲積石道行軍總管任城郡王道宗爲鄯善道行軍總管膠東郡公道彥爲赤水道行軍總管涼州都督李大亮爲且末道行軍總管利州刺史高甌生爲鹽澤道行軍總管以伐吐谷渾丁卯從太上皇閱武于城西

九年正月党項羌叛二月長孫无忌罷三月庚辰洮州羌殺刺史孔長秀附于吐谷渾壬午大赦乙酉高甌生及羌人戰敗之閏四月丙寅朔日有食之五月長孫无忌起復庚子太上皇崩皇太子

聽政壬子李靖及吐谷渾戰敗之七月庚子鹽澤道行軍副摠管
劉德敏及羌人戰敗之十月庚寅葬太武皇帝于獻陵十二月壬
戌特進蕭瑀參豫朝政

十年正月甲午復聽政癸丑徙封元景為荆王元昌漢王元禮徐
王元嘉韓王元則彭王元懿鄭王元軌霍王元鳳號王元慶道王
靈龜燕王恪吳王泰魏王祐齊王愔蜀王暉蔣王貞越王慎紀王
三月癸丑出諸王為都督六月壬申溫彥博為尚書右僕射太常
卿楊師道為侍中魏徵罷為特進知門下省事參議朝章國典
己卯皇后崩十一月庚寅葬文德皇后于昭陵十二月蕭瑀罷庚
辰慮囚

十一年正月丁亥徙封元裕為鄧王元名舒王庚子作飛山宮乙
卯免雍州今歲租賦二月丁巳營九峻山為陵賜功臣密戚陪塋
地及祕器甲子如洛陽宮乙丑給民百歲以上侍五人壬午獵于
鹿臺嶺三月丙戌朔日有食之癸卯降洛州囚見徒免一歲租調

辛亥獵于廣成澤癸丑如洛陽宮六月甲寅溫彥博薨丁巳幸明德宮己未以諸王爲世封刺史戊辰以功臣爲世封刺史己巳徙封元祥爲江王七月癸未大雨水穀洛溢乙未詔百官言事壬寅廢明德宮之玄圃院賜遭水家丙午給亳州老子廟兗州孔子廟戶各二十以奉享復涼武昭王近墓戶二十以守衛九月丁亥河溢壞陝州河北縣毀河陽中渾幸白司馬坂觀之賜潁河遭水家粟帛十月癸丑賜先朝謀臣武將及親戚亡者坐陪獻陵十一月辛卯如懷州乙未獵于濟源麥山丙午如洛陽宮

十二年正月乙未叢州地震癸卯松州地震二月癸亥如河北縣觀底柱甲子巫州獠反夔州都督齊善行敗之乙丑如陝州丁卯觀鹽池庚午如蒲州甲戌如長春宮免朝邑令歲租賦降囚罪乙亥獵于河濱閏月庚辰朔日有食之丙戌至自長春宮七月癸酉吏部尚書高士廉爲尚書右僕射八月壬寅吐蕃寇松州侯君集爲當彌道行軍大總管率三總管兵以伐之九月辛亥闢水道行

軍揔管牛進達及吐蕃戰于松州敗之十月己卯獵于始平賜高
年粟帛乙未至自始平鈞州山獠反桂州都督張寶德敗之十一
月己巳明州山獠反交州都督李道彥敗之十二月辛巳壁州山
獠反右武侯將軍上官懷仁討之是歲滁豪二州野蠶成繭

十三年正月乙巳拜獻陵赦三原及行從免縣人今歲租賦賜宿
衛陵邑郎將三原令爵一級丁未至自獻陵二月庚子停世封刺

史三月乙丑有星孛于畢昴四月戊寅如九成宮甲申中郎將阿
史那結社率反伏誅壬寅雲陽石然五月甲寅以旱避正殿詔五

品以上言事減膳罷役理囚賑乏乃雨六月丙申封弟元嬰爲滕

王八月辛未朔日有食之十月甲申至自九成宮十一月辛亥揚

師道爲中書令戊辰尚書左丞劉洎爲黃門侍郎參知政事十

二月壬申侯君集爲交河道行軍大揔管以伐高昌乙亥封子福

爲趙王壬辰獵于咸陽癸巳至自咸陽是歲滁州野蠶成繭

十四年正月庚子有司讀時令甲寅幸魏王泰第赦雍州長安縣

免延康里今歲租賦二月丁丑觀釋奠于國學赦大理萬年縣賜
學官高第生帛壬午幸溫湯辛卯至自溫湯乙未求梁皇伯褚仲
都周熊安生沈重陳沈文阿周弘正張譏隋何妥劉焯劉炫之後
三月羅賓二州獠反廣州總管党仁弘敗之五月壬寅徙封靈巖
爲魯王六月滁州野蠶成繭乙酉大風拔木八月庚午作襄城宮
癸酉侯君集克高昌九月癸卯赦高昌部及士卒父子犯死替犯
流大功犯徒小功總麻犯杖皆原之閏十月乙未如同州甲辰獵
于堯山庚戌至自同州十一月甲子有事于南郊十二月丁酉侯
君集俘高昌王以獻賜酺三日癸卯獵于樊川乙巳至自樊川
十五年正月辛巳如洛陽宮次溫湯衛士崔卿刀文懿謀反伏誅
三月戊辰如襄城宮四月辛卯詔以來歲二月有事于泰山乙未免
洛州今歲租遷戶故給復者加給一年賜民八十以上物惇獨鰥
寡疾病不能自存者米二斛慮囚六月己酉有星孛于太微丙辰
停封泰山避正殿減膳七月丙寅有周隋名臣及忠烈子孫貞觀

以後涑配者十月辛卯獵于伊闕壬辰如洛陽宮十一月癸酉薛延陀寇邊兵部尚書李世勣爲朔州道行軍總管右衛大將軍李太亮爲靈州道行軍總管涼州都督李襲譽爲涼州道行軍總管以伐之十二月戊子至自洛陽宮庚子命三品以上嫡子事東宮辛丑慮囚甲辰李世勣及薛延陀戰于諾真水敗之乙巳贈戰亡將士官三轉

十六年正月乙丑遣使安撫西州戊辰募戍西州者前犯流死亡匿聽自首以應募辛未徙天下死罪囚實西州中書舍人岑文本爲中書侍郎專典機密六月戊戌太白晝見七月戊午長孫无忌爲司徒房玄齡爲司空十一月丙辰獵于武功壬戌獵于岐山之陽甲子賜所過六縣高年孤疾糴食粟帛遂幸慶善宮庚午至自慶善宮十二月癸卯幸溫湯甲辰獵于驪山乙巳至自溫湯十七年正月戊辰魏徵薨代州都督劉蕡謀反伏誅二月己亥慮囚戊申圖功臣于凌煙閣三月壬子禁送終違令式者丙辰齊王

祐反李世勣討之甲子以旱遣使覆囚決獄乙丑齊王祐伏誅給復齊州一年四月乙酉廢皇太子爲庶人漢王元昌侯君集等伏誅丙戌立晉王治爲皇太子大赦賜文武官及五品以上子爲父後者爵一級民八十以上粟帛酺三日丁亥楊師道罷己丑特進蕭瑀爲太子太保李世勣爲太子詹事同中書門下三品庚寅謝承乾之過于太廟癸巳降封魏王泰爲東萊郡王六月己卯朔日有食之壬辰葬隋恭帝甲午以旱避正殿減膳詔京官五品以上言事丁酉高士廉同中書門下三品平章政事閏月丁巳詔皇太子典左右屯營兵丙子徙封泰爲順陽郡王七月丁酉房玄齡罷八月庚戌工部尚書張亮爲刑部尚書參豫朝政十月丁未建諸州邸于京城丁巳房玄齡起復十一月己卯有事于南郊壬午賜酺三日以涼州獲瑞石赦涼州十二月庚申幸溫湯庚午至自溫湯

十八年正月乙未如鍾官城庚子如鄠壬寅幸溫湯二月己酉如

零口乙卯至自零口丁巳給復突厥高昌部人隸諸州者二年四月辛亥如九成宮七月甲午營州都督張儉率幽營兵及契丹奚以伐高麗八月壬子安西都護郭孝恪爲西州道行軍總管以伐焉耆甲子至自九成宮丁卯劉洎爲侍中岑文本爲中書令中書侍郎馬周守中書令九月黃門侍郎褚遂良參豫朝政辛卯郭孝恪及焉耆戰敗之十月辛丑朔日有食之癸卯宴雍州父老子上林苑賜粟帛甲寅如洛陽宮己巳獵于天池十一月戊寅慮囚庚辰遣使巡問鄭汝懷澤四州高年宴賜之甲午張亮爲平壤道行軍大總管李世勣馬周爲遼東道行軍大總管率十六總管兵以伐高麗十二月壬寅庶人承乾卒戊午李思摩部落叛

十九年二月庚戌如洛陽宮以伐高麗癸丑射虎于武德北山乙卯皇太子監國于定州丁巳賜所過高年鰥寡粟帛贈比于太師謚忠烈三月壬辰長孫无忌攝侍中吏部尚書楊師道攝中書令四月癸卯誓師于幽州大饗食軍丁未岑文本薨癸亥李世勣克蓋

牟城五月己巳平壤道行軍摠管程名振克沙卑城庚午次遼澤
瘞隋人戰亡者乙亥遼東道行軍摠管張君又有罪伏誅丁丑軍
于馬首山甲申克遼東城六月丁酉克白巖城己未大敗高麗于
安市城東南山左武衛將軍王君愕死之辛酉賜酺三日七月壬申
葬死事官加爵四級以一子襲九月癸未班師十月丙午次營州
以太牢祭死事者丙辰皇太子迎謁于臨渝關戊午次漢武臺刻
石紀功十一月癸酉大饗軍于幽州庚辰次易州癸未平壤道行
軍摠管張文幹有罪伏誅丙戌次定州丁亥貶楊師道爲工部尚
書十二月戊申次并州己未薛延陀寇夏州左領軍大將軍執失
思力敗之庚申殺劉洎

二十年正月辛未夏州都督喬師望及薛延陀戰敗之丁丑遣使
二十二人以六條黜陟于天下庚辰赦并州起義時編戶給復三年
後附者一年二月甲午從伐高麗無功者皆賜勲一轉庚申賜所
過高年鰥寡粟三月己巳至自高麗庚午不豫皇太子聽政己丑

張亮謀反伏誅閏月癸巳朔日有食之六月乙亥江夏郡王道宗
李世勣伐薛延陀七月辛亥疾愈李世勣及薛延陀戰敗之八月
甲子封孫忠爲陳王己巳如靈州庚辰次涇州賜高年鰥寡粟帛
丙戌踰隴山關次瓦亭觀馬牧丁亥許陪陵者子孫從葬九月辛
卯遣使巡察嶺南甲辰鐵勒諸部請上號爲可汗辛亥靈州地震
十月貶蕭瑀爲商州刺史丙戌至自靈州十一月己丑詔祭祀表
跡藩客兵馬宿衛行魚契給驛授五品以上官及除解決死罪皆
以聞餘委皇太子

二十二年正月壬辰高士廉薨丁酉詔以來歲二月有事于泰山
甲寅以鐵勒諸部爲州縣賜京師酺三日慮囚降死罪以下二月
丁丑皇太子釋菜于太學三月戊子左武衛大將軍牛進達爲青
丘道行軍大摠管李世勣爲遼東道行軍大摠管率三摠管兵以
伐高麗四月乙丑作翠微宮五月戊子幸翠微宮壬辰命百司決
事于皇太子庚戌李世勣克南蘇木底城六月丁丑遣使鐵勒諸

部購中國人陷沒者七月乙未牛進達克石城丙申作王華宮庚戌至自翠微宮八月泉州海溢壬戌停封泰山九月丁酉封子明爲曹王十月癸丑褚遂良罷十一月癸卯進封泰爲濮王十二月戊寅左驍衛大將軍契苾何力爲崑丘道行軍大總管率三總管兵以伐龜茲

二十二年正月庚寅馬周薨戊戌幸溫湯己亥中書舍人崔仁師爲中書侍郎參知機務丙午左武衛大將軍薛萬徹爲青丘道行軍大總管以伐高麗長孫无忌檢校中書令知尚書門下省事戊申至自溫湯二月褚遂良起復乙卯見京城父老勞之蠲今歲半租畿縣三之二丁卯詔度遼水有功未酬勲而犯罪者與成官同乙亥幸玉華宮己卯獵于華原涑崔仁師于連州三月丁亥赦宜君給復縣人自玉華宮苑中遷者三年四月丁巳松州蠻叛右武侯將軍梁建方敗之六月丙寅張行成存問河北從軍者家令州縣爲營農丙子薛萬徹及高麗戰于泊灼城敗之七月甲申太白

書見壬辰殺華州刺史李君羨癸卯房玄齡薨八月己酉朔日有
食之辛未執失思力伐薛延陀餘部于金山九月庚辰崑丘道行
軍惣管阿史那社尔及薛延陀餘部處月處蜜戰敗之己亥褚遂
良爲中書令壬寅眉邱雅三州獠反茂州都督張士貴討之十月
癸丑至自玉華宮己巳阿史那社尔及龜茲戰敗之十二月辛未
降長安萬年徒罪以下閏月癸巳慮囚

二十三年正月辛亥阿史那社尔俘龜茲王以獻三月己未自冬
旱至是雨辛酉大赦丁卯不豫命皇太子聽政于金液門四月己
亥幸翠微宮五月戊午貶李世勣爲疊州都督己巳皇帝崩于含
風殿年五十三庚午奉大行御馬輿還京師禮部尚書于志寧爲
侍中太子少詹事張行成兼侍中高季輔兼中書令壬申發喪謚
曰文上元元年改謚文武聖皇帝天寶八載謚文武大聖皇帝十
三載增謚文武大聖大廣孝皇帝

贊曰其矣至治之君不世出也禹有天下傳十有六王而少康有

中興之業湯有天下傳二十八王而其甚盛者號稱三宗武王有天下傳三十六王而成康之治與宣之功其餘無所稱焉雖詩書所載時有闕略然三代千有七百餘年傳七十餘君其卓然著見於後世者此六七君而已嗚呼可謂難得也唐有天下傳世二十其可稱者三君玄宗憲宗皆不克其終盛哉太宗之烈也其除隋之亂比迹湯武致治之美庶幾成康自古功德兼隆由漢以來未之有也至其牽於多愛復立浮圖好大喜功勤兵於遠此中材庸主之所常爲然春秋之法常責備於賢者是以後世君子之欲成人之美者莫不歎息於斯焉

本紀第二

本紀第三

唐書三

翰林學士兼龍圖閣學士朝散大夫給事中知制誥充史館脩撰臣歐陽脩奉
敕撰

高宗天皇大聖大弘孝皇帝諱治字爲善太宗第九子也母田文
德皇后長孫氏始封晉王貞觀七年遥領并州都督十七年太子
承乾廢而魏王泰次當立亦以罪黜乃立子治爲皇太子太宗嘗
命皇太子遊觀習射太子辭以非所好願得奉至尊居膝下太宗
大喜乃營寢殿側爲別院使太子居之太宗每視朝皇太子常侍
觀決庶政二十三年太宗有疾詔皇太子聽政於金液門四月從
幸翠微宮太宗崩以羽檄發六府甲士四千衛皇太子入于京師
六月甲戌即皇帝位于柩前大赦賜文武官勲一轉民八十以上
粟帛給復雍州及比歲供軍所一年癸未長孫无忌爲太尉癸巳
檢校洛州刺史李勣爲開府儀同三司參掌機密八月癸酉河東
地震乙亥又震庚辰遣使存問河東給復二年賜壓死者人絹三

匹庚寅葬文皇帝于昭陵九月甲寅荆王元景爲司徒吳王恪爲司空乙卯李勣爲尚書左僕射同中書門下三品十一月乙丑晉州地震震左翊衛郎將高侃伐突厥是冬無雪

永徽元年正月辛丑改元丙午立妃王氏爲皇后張行成爲侍中二月辛卯封子孝爲許王上金杞王素節雍王四月己巳晉州地震五月己未太白晝見六月高侃及突厥戰于金山敗之庚辰晉州地震詔五品以上言事七月辛酉以旱慮囚八月戊辰給五品以上解官充侍者半祿加賜帛庚午降死罪以下九月癸卯高侃俘突厥車鼻可汗以獻十月戊辰李勣罷左僕射十一月己未貶褚遂良爲同州刺史十二月庚午琰州獠寇邊梓州都督謝萬歲死之

二年正月戊戌開義倉以賑民乙巳黃門侍郎宇文節中書侍郎柳奭同中書門下三品乙卯瑤池都督阿史那賀魯叛四月乙丑命有司毋進肉食訖于五月七月丁未賀魯寇庭州左武衛大將

軍梁建方右驍衛大將軍契苾何力爲弓月道行軍摠管以伐之
八月己巳高季輔爲侍中于志寧爲尚書左僕射張行成爲右僕
射同中書門下三品己卯白水蠻寇邊左領軍將軍趙孝祖爲郎
州道行軍摠管以伐之九月癸卯以同州苦泉牧地賜貧民十月
辛卯晉州地震十一月辛酉有事于南郊癸酉禁進犬馬鷹鳥鶻
寅忻州地震甲申雨水冰是月賓州義州蠻寇邊桂州都督劉
伯英敗之趙孝祖及白水蠻戰于羅仵候山敗之十二月乙未太白
晝見壬子處月朱邪孤注殺招慰使單道惠叛附于賀魯是冬無雪
三年正月癸亥梁建方及處月戰于牢山敗之甲子以旱避正殿
減膳降囚罪徒以下原之己巳褚遂良爲吏部尚書同中書門下
三品丙子享于太廟丁亥耕藉田三月辛巳兩土宇文節爲侍中
柳奭守中書令四月庚寅趙孝祖及白水蠻戰敗之甲午彭王元
則薨是月兵部侍郎韓瑗爲黃門侍郎同中書門下三品五月庚
申求齊侍中崔季舒給事黃門侍郎裴澤隋儀同三司豆盧毓

御史中丞游楚客子孫官之七月丁巳立陳王忠爲皇太子大赦賜五品以上子爲父後者勲一轉民酺三日九月丙辰求周司沐大夫裴融尚書左丞封孝琰子孫官之是月中書侍郎來濟同中書門下三品十二月癸巳濮王泰薨

四年二月甲申駙馬都尉房遺愛薛萬徹柴令武高陽巴陵公主謀反伏誅殺荆王元景吳王恪乙酉流宇文節于桂州戊子廢蜀王愔爲庶人已亥徐王元禮爲司徒李勣爲司空四月壬寅以旱慮囚遣使決天下獄減殿中太僕馬粟詔文武官言事甲辰避正殿減膳六月己丑太白晝見八月己亥隕石于馮翊十有八九月壬戌張行成薨甲戌褚遂良爲尚書右僕射十月庚子幸溫湯甲辰赦新豐乙巳至自溫湯戊申睦州女子陳碩眞反婺州刺史崔義玄討之十一月庚戌陳碩眞伏誅癸丑兵部尚書崔敦禮爲侍中丁巳柳奭爲中書令十二月庚子高季輔薨

五年正月丙寅以旱詔文武官朝集使言事三月戊午如萬年宮

乙丑次鳳泉湯辛未赦岐州及所過徒罪以下六月癸亥柳奭罷
丙寅河北大水遣使慮囚八月己未詔免麟游岐陽今歲課役岐
州及供頓縣半歲九月丁酉至自萬年官十月癸卯築京師羅
郭起觀于九門

六年正月壬申拜昭陵赦醴泉及行從免縣今歲租調陵所宿衛
進爵一級令丞加一階癸酉以少牢祭陪葬者甲戌至自昭陵庚
寅封子弘爲代王賢路王二月乙巳皇太子加元服降死罪以下
賜酺三日五品以上爲父後者勲一轉乙丑營州都督程名振左
衛中郎將蘇定方伐高麗五月壬午及高麗戰于貴端水敗之
癸未左屯衛大將軍程知節爲葱山道行軍大揔管以伐賀魯
壬辰韓瑗爲侍中來濟爲中書令七月乙酉崔敦禮爲中書令是
月中書舍人李義府爲中書侍郎參知政事九月庚午貶褚遂
良爲潭州都督乙酉洛水溢十月齊州黃河溢己酉廢皇后爲庶
人乙卯立宸妃武氏爲皇后丁巳大赦賜民八十以上粟帛十一

月己巳皇后見于太廟戊子停諸州貢珠癸巳詔禁吏酷法及爲隱名書者是冬皇后殺王庶人

顯慶元年正月辛未廢皇太子爲梁王立代王弘爲皇太子壬申大赦改元賜五品以上子爲父後者勲一轉民酺三日八十以上粟帛丙戌禁胡人爲幻戲者甲午放宮人三月辛巳皇后親蠶丙戌戶部侍郎杜正倫爲黃門侍郎同中書門下三品四月壬寅詔五品以上老疾不以罪者同致仕壬子矩州人謝無零反伏誅七月癸未崔敦禮爲太子少師同中書門下三品八月丙申崔敦禮薨辛丑程知節及賀魯部歌邏祿處月戰于榆慕谷敗之九月庚辰括州海盜癸未程知節及賀魯戰于但篤城敗之十一月乙丑以子顯生賜京官朝集使勲一轉自八月霜且雨至於於是月是歲龜茲大將羯獵顛附于賀魯左屯衛大將軍楊胄伐之二年閏正月壬寅如洛陽宮庚戌右屯衛將軍蘇定方爲伊麗道行軍總管以伐賀魯二月癸亥降洛州囚罪徒以下原之免民一

歲租調賜百歲以上檀衮粟帛庚午封子顯爲周王壬申徙封素
節爲郇王三月戊申禁舅姑拜公主父母拜王妃癸丑李義府兼
中書令五月丙申幸明德宮七月丁亥如洛陽宮八月丁卯貶韓
瑗爲振州刺史來濟爲台州刺史辛未衛尉卿許敬宗爲侍中九
月庚寅杜正倫兼中書令十一月戊戌如許州甲辰遣使慮所過
州縣囚乙巳獵于滎南壬子講武于新鄭赦鄭州免一歲租賦賜
八十以上粟帛其嘗事高祖任佐史者以名聞十二月乙卯如洛陽
宮丁巳蘇定方敗賀魯于金牙山執之丁卯以洛陽宮爲東都
三年正月戊申楊胄及龜茲謁獵顛戰于泥師城敗之二月甲
戌至自東都戊寅慮囚六月壬子程名振及高麗戰于赤烽鎮敗
之十一月乙酉貶杜正倫爲橫州刺史李義府普州刺史戊子許敬
宗權檢校中書令甲午蘇定方俘賀魯以獻戊戌許敬宗爲中
書令大理卿辛茂將兼侍中

四年三月壬午崑陵都護阿史那彌射及西突厥眞珠葉護戰于

雙河敗之四月丙辰于志寧爲太子太師同中書門下三品乙丑
黃門侍郎許圜師同中書門下三品戊辰洸長孫无忌于黔州于
志寧罷五月己卯許圜師爲中書侍郎同中書門下三品丙申
兵部尚書任雅相度支尚書盧承慶參知政事戊戌殺涼州都督
長史趙持滿七月己丑以旱避正殿壬辰慮囚八月壬子李義府
爲吏部尚書同中書門下三品十月丙午皇太子加元服大赦賜
五品以上子孫爲父祖後者勲一轉民醵三日閏月戊寅如東都
皇太子監國辛巳詔所過供頓免今歲租賦之半賜民八十以上
擅衾粟帛十一月丙午許圜師爲左散騎常侍檢校侍中戊午辛
茂將薨癸亥賀魯部悉結闕俟斤都曼寇邊左驍衛大將軍蘇
定方爲安撫大使以伐之盧承慶同中書門下三品

五年正月癸卯蘇定方俘都曼以獻甲子如并州己巳次長平
賜父老布帛二月丙戌赦并州及所過州縣義旗初嘗任五品以
上葬并州者祭之加佐命功臣食別封者子孫二階大將軍府僚佐

存者一階民年八十以上版授刺史縣令賜酺三日甲午祠舊宅
三月丙午皇后宴親族隣里于朝堂會命婦于內殿賜從官五
品以上并州長史司馬勲一轉婦人八十以上版授郡君賜氍毹粟
帛已酉講武于城西辛亥左武衛大將軍蘇定方爲神兵道行軍
大摠管新羅王金春秋爲嶠夷道行軍摠管率三將軍及新羅兵
以伐百濟四月癸巳如東都五月辛丑作八關宮戊辰定襄都督
阿史德樞賓爲沙磧道行軍摠管以伐契丹六月庚午朔日有
食之七月乙巳廢梁王忠爲庶人丁卯盧承慶罷八月庚辰蘇定
方及百濟戰敗之壬午左武衛大將軍鄭仁泰及悉結拔也固僕
骨同羅戰敗之癸未赦神兵道大摠管以下軍士及其家賜民
酺三日十一月戊戌蘇定方俘百濟王以獻甲寅如許州十二月辛
未獵于安樂川己卯如東都壬午左驍衛大將軍契苾何力爲俱
江道行軍大摠管蘇定方爲遼東道行軍大摠管左驍衛將軍
劉伯英爲平壤道行軍大摠管以伐高麗阿史德樞賓及奚契丹

戰敗之

龍朔元年正月戊午鴻臚卿蕭嗣業爲扶餘道行軍摠管以伐高麗二月乙未改元赦洛州四月庚辰任雅相爲涇江道行軍摠管契苾何力爲遼東道行軍摠管蘇定方爲平壤道行軍摠管蕭嗣業爲扶餘道行軍摠管右驍衛將軍程名振爲饒方道行軍摠管左驍衛將軍龐孝泰爲沃沮道行軍摠管率三十五軍以伐高麗甲午晦日有食之六月辛巳太白經天八月甲戌蘇定方及高麗戰于涇江敗之九月癸卯及皇后幸李勣許圜師第壬子徙封賢爲沛王十月丁卯獵于陸渾戊辰獵于非山癸酉如東都鄭仁泰爲鐵勒道行軍大摠管蕭嗣業爲仙萼道行軍大摠管左驍衛大將軍阿史那忠爲長岑道行軍大摠管以伐鐵勒

二年二月甲子大易官名甲戌任雅相薨戊寅龐孝泰及高麗戰于蛇水死之三月庚寅鄭仁泰及鐵勒戰于天山敗之乙巳如何北縣辛亥如蒲州癸丑如同州四月庚申至自同州辛巳作蓬萊宮

六月癸亥禁宗戚獻纂組雕鏤七月戊子以子旭輪生滿月大赦
賜酺三日右威衛將軍孫仁師爲熊津道行軍摠管以伐百濟戊
戌李義府罷八月壬寅許敬宗爲太子少師同東西臺三品九月
丁丑李義府起復十月丁酉幸溫湯皇太子監國丁未至自溫湯
庚戌西臺侍郎上官儀同東西臺三品十一月辛未貶許圜師爲
虔州刺史癸酉封子旭輪爲殷王是歲右衛將軍蘇海政爲颶海
道行軍摠管以伐龜茲海政殺崑陵都督阿史那彌射

三年正月乙丑李義府爲右相二月減百官一月俸賦雍同等十
五州民錢以作蓬萊官已亥殺駙馬都尉韋正矩庚戌慮囚四月
戊子浹李義府于雋州五月壬午柳州蠻叛冀州都督長史劉伯
英以嶺南兵伐之六月吐蕃攻吐谷渾涼州都督鄭仁泰爲青海
道行軍大摠管以救之八月癸卯有彗星出于左攝提戊申詔百
寮言事遣按察大使于十道九月戊午孫仁師及百濟戰于白江
敗之十月辛巳詔皇太子五日一至光順門監諸司奏事小事使

之十一月甲戌雨木冰十二月庚子改明年爲麟德元年降京師
雍州諸縣死罪以下壬寅安西都護高賢爲行軍摠管以戊弓月
麟德元年二月戊子如福昌宮癸卯如萬年宮四月壬午道王元
慶薨五月戊申計王孝薨丙寅以旱避正殿七月丁未詔以三年
正月有事于泰山八月己卯幸舊第降萬年縣死罪以下壬午
至自萬年宮丁亥司列太常伯劉祥道兼右相大司憲竇德玄爲
司元太常伯檢校左相十二月丙戌殺上官儀戊子殺庶人忠劉祥
道罷太子右中護樂彥璋西臺侍郎孫處約同知軍國政事是冬
無雪

二年二月壬午如東都三月甲寅司戎太常伯姜恪同東西臺三
品戊午遣使慮京都諸司及雍洛三州囚閏月癸酉日有食是
春踈勒弓月吐蕃攻于闐西州都督崔智辯左武衛將軍曹繼
叔救之四月丙午赦桂廣黔三都督府丙寅講武于邙山之陽戊
辰左侍極陸敦信檢校右相孫處約樂彥璋罷七月己丑鄧王元

裕薨十月壬戌帶方州刺史劉仁軌爲大司憲兼知政事丁卯如泰山大有年

乾封元年正月戊辰封于泰山庚午禪于社首以皇后爲亞獻壬申大赦改元賜文武官階勳爵民年八十以上版授下州刺史司馬縣令婦人郡縣君二十以上至八十賜古爵一級民酺七日女子百戶牛酒免所過今年租賦給復齊州一年半兗州二年辛卯幸曲阜祠孔子贈太師二月己未如亳州祠老子追號太上玄元皇帝縣人宗姓給復一年四月甲辰至自亳州庚戌陸敦信罷六月壬寅高麗泉男生請內附右驍衛大將軍契苾何力爲遼東安撫大使率兵援之左金吾衛將軍龐同善營州都督高倜爲遼東道行軍摠管左武衛將軍薛仁貴左監門衛將軍李謹行爲後援七月乙丑徙封旭輪爲豫王庚午劉仁軌兼右相八月辛丑竇德玄薨丁未殺始州刺史武惟良淄州刺史武懷運九月龐同善及高麗戰敗之十二月己酉李勣爲遼東道行臺大摠管率六摠

管兵以伐高麗

二年正月丁丑以旱避正殿減膳慮囚二月丁酉涪陵郡王愔薨
辛丑禁工商乘馬六月乙卯西臺侍郎楊武戴至德東臺侍郎李
安期司列少常伯趙仁本同東西臺三品東臺舍人張文瓘參知
政事七月己卯以旱避正殿減膳遣使慮囚八月己丑朔日有食
之辛亥李安期罷九月庚申以餌藥皇太子監國辛未李勣及
高麗戰于新城敗之是歲嶺南洞獠陷瓊州

總章元年正月壬子劉仁軌為遼東道副大總管兼安撫大使俱
江道行軍總管二月丁巳皇太子釋奠于國學戊寅如九成宮壬
午李勣敗高麗克扶餘南蘇木底蒼巖城三月庚寅大赦改元
四月乙卯贈顏回太子少師曾參太子少保丙辰有彗星出于五
車避正殿減膳撤樂詔内外官言事庚申以太原元從西府功臣
為二等第一功後官無五品者授其子若孫一人有至四品五品
者加二階有三品以上加爵三等第二功後官無五品者授其子若

孫從六品一人有至五品者加一階六品者二階三品以上爵一等
辛巳楊武薨八月癸酉至自九成宮九月癸巳李勣敗高麗王
高藏執之十二月丁巳俘高藏以獻丁卯有事于南郊甲戌姜恪
檢校左相司平太常伯閭立本守右相

二年二月辛酉右肅機李勣立爲西臺侍郎張文瓘爲東臺侍
郎同東西臺三品三月丙戌東臺侍郎郝處俊同東西臺三品癸
巳皇后親蠶四月己酉如九成宮六月戊申朔日有食之七月癸
巳左衛大將軍契苾何力爲烏海道行軍大總管以援吐谷渾九
月庚寅括州海盜壬寅如岐州乙巳赦岐州賜高年粟帛十月丁
巳至自岐州十一月丁亥徙封旭輪爲冀王改名輪十二月戊申
李勣薨是冬無雪

咸亨元年正月丁丑劉仁軌罷二月戊申慮囚丁巳東南有聲若
雷三月甲戌大赦改元壬辰許敬宗罷四月癸卯吐蕃陷龜茲撥
換城廢安西四鎮己酉李勣立罷辛亥右威衛大將軍薛仁貴爲

遼安道行軍大揔管以伐吐蕃庚午如九成宮雍州大雨雹高麗酋長鉗牟岑叛寇邊左監門衛大將軍高侃爲東州道行軍揔管右領軍衛大將軍李謹行爲燕山道行軍揔管以伐之六月壬寅朔日有食之七月甲戌以雍華蒲同四州旱遣使慮囚減中御諸殿馬戌子李勣立起復薛仁貴及吐蕃戰于大非川敗績八月庚戌以穀貴禁酒丁巳至自九成宮甲子趙王福薨丙寅以早避正殿減膳九月丁丑給復雍華同岐邠隴六州一年閏月癸卯皇后以早請避位甲寅姜恪爲涼州道行軍大揔管以伐吐蕃十月庚辰詔文武官言事乙未趙仁本罷十二月庚寅復官名是歲大饑

二年正月乙巳如東都皇太子監國二月辛未遣使存問諸州四月戊子大風雨雹六月癸巳以旱慮囚九月地震丙申徐王元禮薨十月丙子求明禮樂之士十一月甲午朔日有食之庚戌如許州遣使存問所過疾老鰥寡慮囚十二月癸酉獵于昆陽丙戌

如東都是歲姜恪爲侍中閭立本爲中書令

三年正月辛丑姚州蠻寇邊太子右衛副率梁積壽爲姚州道行軍摠管以伐之二月己卯姜恪薨四月壬申校旗于洛水之陰九月癸卯徙封賢爲雍王十月己未皇太子監國十一月戊子朔日有食之甲辰至自東都十二月金紫光祿大夫致仕劉仁軌爲太子左庶子同中書門下三品

四年正月丙辰鄭王元懿薨四月丙子如九成宮閏五月丁卯禁作簾捕魚懿宮園取獸者八月辛丑以不豫詔皇太子聽諸司啓事己酉大風落太廟鷄尾十月壬午閭立本薨乙未以皇太子納妃赦岐州賜酺三日乙巳至自九成宮

上元元年二月壬午劉仁軌爲雞林道行軍大摠管以伐新羅三月辛亥朔日有食之己巳皇后親薨八月壬辰皇帝稱天皇皇后稱天后追尊六代祖宣簡公爲宣皇帝妣張氏曰宣莊皇后五代祖懿王爲光皇帝妣賈氏曰光懿皇后增高祖太宗及后諡大赦

改元賜酺三日十一月丙午如東都已酉獵于華山曲武原十二月癸未蔣王憚自殺

二年正月己未給復雍同華岐隴五州二年辛未吐蕃請和二月劉仁軌及新羅戰于七重城敗之三月丁巳天后親蠶四月辛巳天后殺周王顯妃趙氏丙戌以旱避正殿減膳撤樂詔百官言事已亥天后殺皇太子五月戊申追號皇太子爲孝恭皇帝六月戊寅立雍王賢爲皇太子大赦七月辛亥杞王上金兔官削封邑八月庚寅葬孝恭皇帝于恭陵丁酉詔婦人爲宮官者歲一見其親庚子張文瓘爲侍中郝處俊爲中書令劉仁軌爲尚書左僕射戴至德爲右僕射十月庚辰雍州雨雹壬午有彗星出于角亢儀鳳元年正月壬戌徙封輪爲相王丁卯納州獠寇邊二月丁亥如汝州溫湯遣使慮免汝州輕繫三月癸卯黃門侍郎來恒中書侍郎薛元超同中書門下三品甲辰如東都免汝州今歲半租賜民八十以上帛閏月己巳吐蕃寇鄯廓河芳四州左監門衛中

郎將令狐智通伐之乙酉周王顯爲洮河道行軍元帥領左衛大將軍劉審禮等十二摠管相王輪爲涼州道行軍元帥領契苾何力等軍以伐吐蕃四月戊申至自東都甲寅中書侍郎李義琰同中書門下三品戊午如九成宮六月癸亥黃門侍郎高智周同中書門下三品七月丁亥有彗星出于東井乙未吐蕃寇疊州八月庚子避正殿減膳撤樂損食粟馬慮囚詔文武官言事甲子停南北中尚梨園作坊減少府雜匠是月青州海溢十月乙未至自九成宮丙午降封郇王素節鄆陽郡王十一月壬申大赦改元庚寅李訥立爲中書令十二月戊午來恒薛元超爲河南河北道大使二年正月乙亥耕藉田庚辰京師地震四月太子左庶子張大安同中書門下三品五月吐蕃寇扶州八月辛亥劉仁軌爲洮河軍鎮守使十月壬辰徙封顯爲英王更名哲十二月乙卯募關內河東猛士以伐吐蕃是歲西突厥及吐蕃寇安西冬無雪

三年正月丙子李訥立爲洮河道行軍大摠管以伐吐蕃癸未遣

使募河南北猛士以伐吐蕃四月丁亥以旱避正殿慮囚戊申
大赦改明年爲通乾元年癸丑涇州民生子異體連心五月壬戌
如九成宮大雨霖九月辛酉至自九成宮癸亥張文瓘薨丙寅李
敬玄劉審禮及吐蕃戰于青海敗績審禮死之十月丙申停劔南
隴右歲貢丙午密王元曉薨閏十一月丙申雨木冰壬子來恒薨
十二月癸丑罷通乾號

調露元年正月戊子如東都庚戌戴至德薨四月辛酉郝處俊
爲侍中五月丙戌皇太子監國戊戌作紫桂宮六月辛亥大赦改
元吏部侍郎裴行儉伐西突厥九月壬午行儉敗西突厥執其可
汗都支十月突厥溫傳奉職二部寇邊單于大都護府長史蕭
嗣業伐之十一月戊寅高智周罷甲辰禮部尚書裴行儉爲定
襄道行軍大摠管以伐突厥

永隆元年二月癸丑如汝州溫湯丁巳如少室山乙丑如東都三
月裴行儉及突厥戰于黑山敗之四月乙丑如紫桂宮戊辰黃門

侍郎裴炎崔知溫中書侍郎王德真同中書門下三品五月丁酉
太白經天七月己卯吐蕃寇河源辛巳李敬玄及吐蕃戰于湟川
敗績左武衛將軍黑齒常之爲河源軍經略大使丙申江王元祥
薨突厥寇雲州都督竇懷哲敗之八月丁未如東都丁巳貶李敬
玄爲衡州刺史甲子廢皇太子爲庶人乙丑立英王哲爲皇太子
大赦改元賜酺三日己巳貶張大安爲普州刺史九月甲申王德
真罷十月壬寅降封曹王明爲零陵郡王戊辰至自東都十一月
壬申朔日有食之

開耀元年正月乙亥突厥寇原慶二州辛巳賜京官九品以上酺
三日癸巳裴行儉爲定襄道行軍大總管以伐突厥己亥減殿中
太僕馬省諸方貢獻免雍岐華同四州二歲稅河南河北一年調
二月丙午皇太子釋奠于國學三月辛卯郝處俊罷五月乙酉常
州人劉龍子謀反伏誅丙戌定襄道副總管曹懷舜及突厥戰于
橫水敗績己丑黑齒常之及吐蕃戰于良非川敗之六月壬子永嘉

郡王暉有罪伏誅七月己丑以太平公主下嫁赦京師甲午劉仁軌罷左僕射閏月丁未裴炎爲侍中崔知溫薛元超守中書令庚戌以餌藥皇太子監國庚申裴行儉及突厥戰敗之八月丁卯以河南河北大水遣使賑乏絕室廬壞者給復一年溺死者贈物人三段九月丙申有彗星出于天市壬戌裴行儉停突厥溫傳可汗阿史那伏念以獻乙丑改元赦定襄軍及諸道緣征官吏兵募十月丙寅朔日有食之十一月癸卯徙庶人賢于巴州

永淳元年二月癸未以孫重照生滿月大赦改元賜酺三日是月突厥車薄咽麴寇邊三月戊午立重照爲皇太孫四月甲子朔日有食之丙寅如東都皇太子監國辛未裴行儉爲金牙道行軍大摠管率三摠管兵以伐突厥安西副都護王方翼及車薄咽麴戰于熱海敗之丁亥黃門侍郎郭待舉兵部侍郎岑長倩秘書負外少監郭正一吏部侍郎魏玄同與中書門下同承受進止平章事五月乙卯洛水溢六月甲子突厥骨吐祿寇邊嵐州刺史王德

茂死之是月大蝗人相食七月作萬泉宮已亥作奉天宮庚申零陵郡王明自殺九月吐蕃寇柘州驍衛郎將李孝逸伐之十月甲子京師地震丙寅黃門侍郎劉齊賢同中書門下平章事

弘道元年正月甲午幸奉天宮二月庚午突厥寇定州刺史霍王元軌敗之三月庚寅突厥寇單于都護府司馬張行師死之庚子李義琰罷丙午有彗星出于五車癸丑崔知溫薨四月己未如東都壬申郭待舉郭正一同中書門下平章事甲申綏州部落稽白鐵余寇邊右武衛將軍程務挺敗之五月乙巳突厥寇蔚州刺史李思儉死之七月甲辰徙封輪爲豫王改名曰薛元超罷八月乙丑皇太子朝于東都皇太孫留守京師丁卯漳沱溢己巳河溢壞河陽城九月己丑以太平公主子生赦東都十月癸亥幸奉天宮十一月戊戌右武衛將軍程務挺爲單于道安撫大使以伐突厥辛丑皇太子監國丁未如東都戊申裴炎劉齊賢郭正一兼於東宮平章事十二月丁巳改元大赦是夕皇帝崩于貞觀殿年五十六

論曰天皇大帝天寶八載改論天皇大聖皇帝十三載增論天皇大聖天弘孝皇帝

贊曰小雅曰赫赫宗周褒姒威之此周幽王之詩也是時幽王雖亡而太子宜臼立是爲平王而詩人乃言威之者以爲文武之業於是蕩盡盡東周雖在不能復興矣其曰威者甚疾之之辭也武氏之亂唐之宗室戕殺殆盡其賢士大夫不免者十八九以太宗之治其遺德餘烈在人者未遠而幾於遂絕其爲惡豈且一褒姒之比邪以太宗之明昧於知子廢立之際不能自決卒用昏童高宗溺愛衽席不戒履霜之漸而毒流天下貽禍邦家嗚呼父子夫婦之間可謂難哉可不慎哉

本紀第三

本紀第四

唐書四

翰林學士兼龍圖閣學士朝散大夫給事中知制誥元史館脩撰臣歐陽脩奉

敕撰

則天順聖皇后武氏諱曁并州文水人也父士護官至工部尚書
荊州都督封應國公后年十四太宗間其有色選爲才人太宗崩
后削髮爲比丘尼居于感業寺高宗幸感業寺見而悅之復召
入宮久之立爲昭儀進號宸妃永徽六年高宗廢皇后王氏立宸
妃爲皇后高宗自顯慶後多苦風疾百司奏事時時令后決之常
稱旨由是參豫國政后既專寵與政乃數上書言天下利害務收
人心而高宗春秋高苦疾后益用事遂不能制高宗悔陰欲廢之
而謀洩不果上元元年高宗號天皇皇后亦號天后天下之人謂
之二聖弘道元年十二月高宗崩遺詔皇太子即皇帝位軍國
大務不決者兼取天后進止甲子皇太子即皇帝位尊后爲皇太
后臨朝稱制大赦賜九品以下勲官一級庚午韓王元嘉爲太尉

霍王元軌爲司徒舒王元名爲司空甲戌劉仁軌爲尚書左僕射
裴炎爲中書令劉齊賢爲侍中同中書門下三品戊寅郭待舉
魏玄同岑長倩同中書門下三品癸未郭正一罷

光宅元年正月癸未改元嗣聖癸巳左散騎常侍韋弘敏爲太府
卿同中書門下三品二月戊午廢皇帝爲廬陵王幽之己未立豫
王旦爲皇帝妃劉氏爲皇后立永平都王成器爲皇太子大赦改
元爲文明賜文武官五品以上爵一等九品以上勳兩轉老人版
授官賜粟帛職官五品以上舉所知一人皇太后仍臨朝稱制庚
申廢皇太孫重照爲庶人殺庶人賢于巴州甲子皇帝率羣臣上
尊號于武成殿丁卯冊皇帝丁丑太常卿王德真爲侍中中書侍
郎劉祿之同中書門下三品庚辰贈王清觀道士太中大夫王遠
知金紫光祿大夫三月丁亥徙封上金爲畢王素節葛王四月丁
巳滕王元嬰薨辛酉徙封上金爲澤王素節許王癸酉遷廬陵王
于房州丁丑又遷于均州五月癸巳以大喪禁射獵閏月甲子禮部

尚書武承嗣爲太常卿同中書門下三品七月戊午廣州崑崙殺其都督路元叡乙丑突厥寇朔州左武衛大將軍程務挺敗之辛未有彗星出于西方八月庚寅葬天皇大帝于乾陵丙午武承嗣罷九月甲寅大赦改元旗幟尚白易內外官服青者以碧大易官名改東都爲神都追尊老子母爲先天太后丙辰左威衛大將軍程務挺爲單于道安撫大使以備突厥已巳追尊武氏五代祖克己爲魯國公妣裴氏爲魯國夫人高祖居常爲太尉北平郡王妣劉氏爲王妃曾祖儉爲太尉金城郡王妣宋氏爲王妃祖華爲太尉太原郡王妣趙氏爲王妃考士護爲太師魏王妣楊氏爲王妃丁丑柳州司馬李勣業舉兵于揚州以討亂貶韋弘敏爲汾州刺史十月癸未楚州司馬李崇福以山陽安宜鹽城三縣歸于勣業甲申左玉鈐衛大將軍梁郡公孝逸爲揚州道行軍大總管左金吾衛大將軍李知十爲副率兵三十萬以拒李勣業丁亥左肅政臺御史大夫騫味道檢校內史同鳳閣鸞臺三品鳳閣舍人李

景謏同鳳閣鸞臺平章事壬辰李勣業克潤州丙申殺裴炎追謚五代祖魯國公曰靖高祖北平郡王曰恭肅曾祖金城郡王曰義康祖太原郡王曰安成考魏王曰忠孝丁酉曲赦揚楚二州復勣業姓徐氏貶劉齊賢爲辰州刺史李景謏罷右史沈君諒著作郎崔謏爲正諫大夫同鳳閣鸞臺平章事十一月辛亥左鷹揚衛大將軍黑齒常之爲江南道行軍大總管庚申右監門衛將軍蘇孝祥及徐勣業戰于阿谿死之乙丑徐勣業將王那相殺勣業降丁卯郭待舉罷鸞臺侍郎韋方質爲鳳閣侍郎同鳳閣鸞臺平章事十二月戊子遣御史察風俗癸卯殺程務挺

垂拱元年正月丁未大赦改元庚戌鸞臺守內史戊辰劉仁軌薨二月乙巳春官尚書武承嗣秋官尚書裴居道右肅政臺御史大夫韋思謙同鳳閣鸞臺三品突厥寇邊左王鈐衛中郎將淳于處平爲陽曲道行軍總管以擊之沈君諒罷三月崔謏罷丙辰遷廬陵王于房州辛酉武承嗣罷辛未頒垂拱格四月丙子貶

騫味道爲青州刺史癸未淳于處平及突厥戰于忻州敗績五月
丙午裴居道爲納言丁未流王德真于象州己酉冬官尚書蘇良
嗣守納言封皇帝子成義爲恒王壬戌以旱慮囚壬申韋方質同
鳳閣鸞臺三品六月天官尚書韋待價同鳳閣鸞臺三品九月丁
卯揚州地生毛十一月癸卯韋待價爲燕然道行軍大總管以
擊突厥

二年正月辛酉大赦賜酺三日内外官勲一轉二月辛未朔日有
蝕之三月戊申作銅匱四月庚辰岑長倩爲內史五月丙午裴居
道爲內史六月辛未蘇良嗣同鳳閣鸞臺三品己卯韋思謙守
納言十月己巳有山出于新豐縣改新豐爲慶山赦囚給復一年
賜酺三日十二月免并州百姓庸調終其身是冬無雪

三年閏正月丁卯封皇帝子隆基爲楚王隆範衛王隆業趙王二
月己亥以旱避正殿減膳丙辰突厥寇昌平黑齒常之擊于三月
乙丑韋思謙罷四月辛丑追號孝敬皇帝妃裴氏曰哀皇后葬于

恭陵癸丑以旱慮囚命京官九品以上言事壬戌裴居道爲納言
五月丙寅夏官侍郎張光輔爲鳳閣侍郎同鳳閣鸞臺平章事
庚午殺劉禕之七月丁卯冀州雌雞化爲雄乙亥京師地震雨金
于廣州八月壬子魏玄同兼檢校納言交趾人李嗣仙殺安南都護
劉延祐據交州桂州司馬曹玄靜敗之是月突厥寇朔州燕然道
行軍大摠管黑齒常之敗之九月己卯號州人楊初成自稱郎將
募州人迎廬陵王于房州不果見殺十月庚子右監門衛中郎將
襲寶璧及突厥戰敗績十二月壬辰韋待價爲安息道行軍大摠
管安西大都護閻溫古副之以擊吐蕃是歲大饑

四年正月甲子增七廟立高祖太宗高宗廟于神都庚午毀乾
元殿作明堂三月壬戌殺麟臺少監周思茂四月戊戌殺太子通
事舍人郝象賢五月庚申得寶圖于洛水乙亥加尊號爲聖母
神皇六月丁亥朔日有食之得瑞石于汜水七月丁巳大赦改
寶圖爲天授聖圖洛水爲永昌洛水封其神爲顯聖侯加特進禁

漁釣改嵩山爲神岳封其神爲天中王太師使持節大都督賜酺
五日戊午京師地震八月戊戌神都地震丙午博州刺史琅邪郡
王冲舉兵以討亂遣左金吾衛大將軍丘神勣拒之戊申冲死之
庚戌越王貞舉兵于豫州以討亂辛亥曲赦博州九月丙辰左豹
韜衛大將軍麴崇裕爲中軍大總管岑長倩爲後軍大總管以
拒越王貞張光輔爲諸軍節度前越王貞及琅邪郡王冲屬籍改
其姓爲虺氏貞死之丙寅赦豫州殺韓王元嘉魯王靈龜范陽郡
王靄黃國公譔東莞郡公融及常樂公主皆改其姓爲虺氏丁卯
左肅政臺御史大夫騫味道夏官侍郎王本立同鳳閣鸞臺平章
事十月辛亥大風拔木十一月辛酉殺濟州刺史薛顗及其弟駙
馬都尉紹十二月乙酉殺霍王元軌江都郡王緒及殿中監裴承
光大殺唐宗室流其幼者于嶺南己亥殺騫味道己酉拜洛受圖
辛亥改明堂爲萬象神宮大赦
永昌元年正月乙卯享于萬象神宮大赦改元賜酺七日丁巳舒

王元名爲司徒戊午布政于萬象神宮頒九條以訓百官己未朗
州雌雞化爲雄二月丁酉尊考太師魏忠孝王曰周忠孝太皇置
崇先府官戊戌追諡妣楊氏曰周忠孝太后太原郡王曰周安成
王妃趙氏爲王妃金城郡王曰魏義康王妃宋氏爲王妃北平郡
王曰趙肅恭王妃劉氏爲王妃五代祖魯國公曰太原靖王夫人
裴氏爲王妃三月甲子張光輔守納言癸酉天官尚書武承嗣爲
納言張光輔守內史四月甲辰殺汝南郡王瑋鄆陽郡公誣廣漢郡
公謚汶山郡公綦零陵郡王俊廣都郡公瑋徙其家于雋州己酉
殺天官侍郎鄧玄挺五月丙辰韋待價及吐蕃戰于寅識迦河敗
績己巳白馬寺僧薛懷義爲新平道行軍大總管以擊突厥七
月丁巳流紀王慎于巴州改其姓爲虺氏丙子流韋待價于繡州
殺閭溫古戊寅王本立同鳳閣鸞臺三品八月癸未薛懷義爲新
平道中軍大總管以擊突厥甲申殺張光輔洛州司馬弓嗣業洛
陽令弓嗣明峽州參軍弓嗣古流人徐敬眞乙未松州雌雞化爲

雄辛丑殺陝州刺史郭正丁未殺相州刺史弓志元蒲州刺史弓彭祖尚方監王令基九月庚戌殺恒山郡王承乾之子厥閏月甲午殺魏玄同夏官侍郎崔謩戊申殺彭州長史劉易從十月癸丑殺涼州都督李光誼丁巳殺陝州刺史劉延景戊午殺右武威衛大將軍黑齒常之右鷹揚衛將軍趙懷節己未殺嗣鄭王璿丁卯春官尚書范履冰鳳閣侍郎邢文偉同鳳閣鸞臺平章事天授元年正月庚辰大赦改元曰載初以十一月爲正月十二月爲臘月來歲正月爲一月以周漢之後爲二王後封舜禹湯之裔爲三恪周隋同列國封其嗣乙未除唐宗室屬籍臘月丙寅殺劉齊賢一月戊子王本立罷邢文偉爲內史岑長倩武承嗣同鳳閣鸞臺三品鳳閣侍郎武攸寧爲納言甲午涑韋方質于儋州二月丁卯殺地官尚書王本立三月乙酉以旱減膳丁亥蘇良嗣薨五月戊子殺范履冰己亥殺梁郡公孝逸六月戊申殺汴州刺史柳明肅七月辛巳涑舒王元名于和州頒大雲經于天下壬午殺豫章

郡王亶丁亥殺澤王上金許王素節甲午赦永昌縣癸卯殺太常丞蘇踐言八月辛亥殺許王素節之子璟曾江縣令白令言甲寅殺裴居道壬戌殺將軍阿史那惠右司郎中喬知之癸亥殺尚書右丞張行廉太州刺史杜儒童甲子殺流人張楚金戊辰殺流人元萬頃苗神客辛未殺南安郡王穎鄴國公昭及諸宗室李直李敞李然李勲李策李越李黯李玄李英李志業李知言李玄貞九月乙亥殺鉅鹿郡公晃麟臺郎裴望及其弟司膳丞璉壬午改國號周大赦改元賜酺七日乙酉加尊號曰聖神皇帝降皇帝爲皇嗣賜姓武氏皇太子爲皇孫丙戌立武氏七廟于神都追尊周文王曰始祖文皇帝妣妣氏曰文定皇后四十代祖平王少子武曰睿祖康皇帝妣姜氏曰康惠皇后太原靖王曰嚴祖成皇帝妣曰成莊皇后趙肅恭王曰肅祖章敬皇帝妣曰章敬皇后魏義康王曰烈祖昭安皇帝妣曰昭安皇后周安成王曰顯祖文穆皇帝妣曰文穆皇后忠孝太皇曰太祖孝明高皇帝妣曰孝明高皇后追

封伯父及兄弟之子爲王堂兄爲郡王諸姑姊爲長公主堂姊妹
爲郡主司賓卿史務滋守納言鳳閣侍郎宗秦客檢校內史給事
中傳游藝爲鸞臺侍郎同鳳閣鸞臺平章事十月丁巳給復并
州武興縣百姓子孫相承如漢豐沛甲子貶宗秦客爲遵化尉丁
卯殺流人韋方質已巳殺許王素節之子瑛琪琬瓚瑒瑤琛唐臣
辛未貶邢文偉爲珍州刺史置大雲寺封周公爲褒德王孔子爲
隆道公改唐太廟爲享德廟以武氏七廟爲太廟

二年正月甲戌改置社稷旌幟尚赤戊寅殺雅州刺史劉行實及
其弟渠州刺史行瑜尚衣奉御行感兄子左鷹揚衛將軍虔通戊
子武承嗣爲文昌左相庚寅賜酺乙未殺丘神勣左豹韜衛將軍
衛蒲山庚子殺史務滋臘月己未始用周臘四月壬寅朔日有蝕之
丙午大赦五月丁亥大風折木岑長倩爲武威道行軍大摠管以
擊吐蕃六月庚戌左肅政臺御史大夫格輔元爲地官尚書鸞臺
侍郎樂思晦鳳閣侍郎任知古同鳳閣鸞臺平章事七月庚午徙

關內七州戶以實神都八月戊申武攸寧罷夏官尚書歐陽通
為司禮卿兼判納言事庚申殺右王鈐衛大將軍張虔勗九月乙
亥殺岐州刺史雲弘嗣壬辰殺傅游藝癸巳左羽林衛大將軍武
攸寧守納言冬官侍郎裴行本洛州司馬狄仁傑為地官侍郎同
鳳閣鸞鳥臺平章事十月己酉殺岑長倩歐陽通格輔元壬戌殺
樂思晦左衛將軍李安靜

長壽元年一月戊辰夏官尚書楊執柔同鳳閣鸞鳥臺平章事庚
午貶任知古為江夏令狄仁傑彭澤令流裴行本于嶺南乙亥殺
右衛大將軍泉獻誠庚辰司刑卿李遊道為冬官尚書同鳳閣鸞
鳥臺平章事二月戊午秋官尚書袁智弘同鳳閣鸞鳥臺平章事四
月丙申朔日有食之大赦改元如意五月洛水溢七月又溢八月甲
戌河溢壞河陽縣戊寅武承嗣武攸寧楊執柔罷秋官侍郎崔元
綜為鸞鳥臺侍郎夏官侍郎李昭德為鳳閣侍郎權檢校天官侍郎
姚璿為文昌左丞檢校地官侍郎李元素為文昌右丞營繕大匠王

璿爲夏官尚書司賓卿崔神基同鳳閣鸞臺平章事九月戊戌大霧庚子大赦改元改用九月社賜酺七日癸卯以并州爲北都癸丑休李遊道袁智弘王璿崔神基李元素于嶺南十月丙戌武威道行軍總管王孝傑敗吐蕃克四鎮

二年臘月癸亥殺皇嗣妃劉氏德妃竇氏丁卯降封皇孫成器爲壽春郡王恒王成義衡陽郡王楚王隆基臨淄郡王衛王隆範巴陵郡王趙王隆業彭城郡王二月庚子夏官侍郎婁師德同鳳閣鸞臺平章事甲寅殺尚方監裴匪躬內常侍范雲仙三月己卯殺左衛員外大將軍阿史那元慶白潤府果毅薛大信五月乙未殺冬官尚書蘇幹相州刺史來同敵癸丑河溢棣州九月丁亥朔日有蝕之乙未加號金輪聖神皇帝大赦賜酺七日作七寶庚子追尊烈祖昭安皇帝曰渾元昭安皇帝顯祖文穆皇帝曰立極文穆皇帝太祖孝明高皇帝曰無上孝明高皇帝辛丑姚璿罷文昌右丞韋巨源同鳳閣鸞臺平章事秋官侍郎陸元方爲鸞臺侍郎

同鳳閣鸞臺平章事司賓卿豆盧欽望守內史

延載元年臘月甲戌突厥默啜寇靈州右鷹揚衛大將軍李多祚敗之二月甲午婁師德爲河源積石懷遠等軍營田大使二月庚午薛懷義爲伐逆道行軍大總管領十八將軍以擊默啜乙亥以旱慮囚己卯武威道大總管王孝傑及吐蕃戰于冷泉敗之三月甲申鳳閣舍人蘇味道爲鳳閣侍郎同鳳閣鸞臺平章事李昭德檢校內史薛懷義爲朔方道行軍大總管擊默啜昭德爲朔方道行軍長史味道爲司馬四月壬戌常州地震五月甲午加號越古金輪聖神皇帝大赦改元賜酺七日七月癸未嵩嶽山人武什方爲正諫大夫同鳳閣鸞臺平章事八月什方罷戊辰王孝傑爲瀚海道行軍總管己巳司賓少卿姚璹守納言左肅政臺御史大夫楊再思爲鸞臺侍郎洛州司馬杜景佺檢校鳳閣侍郎同鳳閣鸞臺平章事戊寅流崔元綜于振州九月壬午朔日有蝕之壬寅貶李昭德爲南賓尉十月壬申文昌右丞太子元素爲鳳閣侍郎右

肅政臺御史中丞周允元檢校鳳閣侍郎同鳳閣鸞臺平章事嶺南獠寇邊容州都督張玄遇爲桂永等州經略大使癸酉雨水冰

天冊萬歲元年正月辛巳加號慈氏越古並輪聖神皇帝改元證

聖大赦賜酺三日戊子貶亶盧欽望爲趙州刺史韋巨源鄜州刺史杜景佺溱州刺史蘇味道集州刺史陸元方綏州刺史丙申萬象神宮火丙午王孝傑爲朔方行軍總管以擊突厥二月己酉朔日有蝕之壬子殺薛懷義甲子罷慈氏越古號三月丙辰周允元薨四月戊寅建大周萬國頌德天樞七月辛酉吐蕃寇臨洮王孝傑爲肅邊道行軍大總管以擊之九月甲寅祀南郊加號天冊金輪大聖皇帝大赦改元賜酺九日以崇先廟爲崇尊廟

萬歲通天元年臘月甲戌如神岳甲申封于神岳改元曰萬歲登封大赦免今歲租稅賜酺十日丁亥禪于少室山己丑給復洛州二年登封告成縣三年癸巳復于神都一月甲寅宴師德爲肅邊道行軍副總管以擊吐蕃己巳改崇尊廟爲太廟二月辛巳尊神

岳天中王爲神岳天中黃帝天靈妃爲天中黃后三月壬寅王
孝傑婁師德及吐蕃戰于素羅汗山敗績丁巳復作明堂改曰通
天宮大赦改元賜酺七日四月癸酉檢校夏官侍郎孫元亨同鳳
閣鸞臺平章事庚子貶婁師德爲原州都督府司馬五月壬子契
丹首領松漠都督李盡忠歸誠州刺史孫萬榮陷營州殺都督
趙文翹乙丑左應鳥揚衛將軍曹仁師右金吾衛大將軍張玄遇左
威衛大將軍李多祚司農少卿麻仁節等擊之七月辛亥春官尚
書武三思爲榆關道安撫大使納言姚璩爲副以備契丹八月丁酉
張玄遇曹仁師麻仁節等及契丹戰于黃壁草谷敗績執玄遇仁節
九月庚子同州刺史武攸宜爲清邊道行軍大總管以擊契丹丁
巳吐蕃寇涼州都督許欽明死之庚申并州長史王方慶爲鸞臺
侍郎殿中監李道廣同鳳閣鸞臺平章事十月辛卯契丹寇巢
州刺史陸寶積死之甲午慮囚

神功元年正月壬戌殺李元素孫元直洛州錄事參軍綦連耀

箕州刺史劉思禮知天官侍郎事石抱忠劉竒給事中周諱鳳閣舍人王勣前涇州刺史王勔太子司議郎路敬淳司門員外郎劉順之右司員外郎宇文全志來庭縣主簿柳瓊癸亥突厥默啜寇勝州平狄軍副使安道買敗之甲子婁師德守鳳閣侍郎同鳳閣鸞臺平章事一月乙巳慮囚三月庚子王孝傑及孫萬斬戰于東碇石谷敗績孝傑死之戊申赦河南北四月戊辰置九鼎于通天宮癸酉前益州大都督府長史王及善爲內史癸未右金吾衛大將軍武懿宗爲神兵道行軍大摠管及右豹韜衛將軍何迦密以擊契丹五月癸卯婁師德爲清邊道行軍副大摠管右武衛將軍沙吒忠義爲清邊中道前軍摠管以擊契丹六月丁卯殺監察御史李昭德司僕少卿來俊臣己卯尚方少監宗楚客同鳳閣鸞臺平章事戊子特進武承嗣春官尚書武三思同鳳閣鸞臺三品辛卯婁師德安撫河北七月丁酉武承嗣武三思罷八月丙戌姚璿罷九月壬寅大赦改元賜酺七日庚戌婁師德守納言十月

甲子給復徇忠立節二縣一年閏月甲寅檢校司刑卿幽州都督狄仁傑爲鸞臺侍郎司刑卿杜景佺爲鳳閣侍郎同鳳閣鸞臺平章事

聖曆元年正月甲子大赦改元賜酺九日丙寅宗楚客罷丁亥李道廣罷三月己巳召廬陵王于房州戊子廬陵王至自房州四月庚寅赦神都及河北辛丑婁師德爲隴右諸軍大使檢校河西營田事五月庚午禁屠六月乙卯大風拔木七月辛未杜景佺罷八月突厥寇邊戊子左豹韜衛將軍閻知微降于突厥寇邊甲午王方慶罷庚子春官尚書武三思檢校內史狄仁傑兼納言司屬卿武重規爲天兵中道大摠管沙吒忠義爲天兵西道前軍摠管幽州都督張仁亶爲天兵東道摠管左羽林衛大將軍李多祚右羽林衛大將軍閻敬容爲天兵西道後軍摠管以擊突厥癸丑突厥寇蔚州乙卯寇定州刺史孫彥高死之九月甲子夏官尚書武攸寧同鳳閣鸞臺三品戊辰突厥寇趙州長史唐波若降于突厥刺

史高歡死之突厥寇相州沙吒忠義爲河北道前軍摠管將軍陽基副之李多祚爲後軍摠管大將軍富福信爲奇兵摠管以禦之壬申立廬陵王顯爲皇太子大赦賜酺五日甲戌皇太子爲河北道行軍元帥以擊突厥戊寅狄仁傑爲河北道行軍副元帥檢校納言辛巳試天官侍郎蘇味道爲鳳閣侍郎同鳳閣鸞臺平章事十月癸卯狄仁傑爲河北道安撫大使夏官侍郎姚元崇麟臺少監李嶠同鳳閣鸞臺平章事族閭知微

二年正月壬戌封皇嗣旦爲相王臘月戊子左肅政臺御史中丞吉頊爲天官侍郎檢校右肅政臺御史中丞魏元忠爲鳳閣侍郎同鳳閣鸞臺平章事辛亥賜皇太子姓武氏大赦一月庚申武攸寧罷二月己丑如緱氏辛卯如嵩陽丁酉復于神都三月甲戌以隋唐爲二王後婁師德爲納言四月壬辰魏元忠檢校并州大都督府長史天兵軍大摠管婁師德副之以備突厥辛丑婁師德爲隴右諸軍大使甲辰慮囚七月丙辰神都大雨洛水溢八月庚子

王及善爲文昌左相同鳳閣鸞臺平章事太子宮尹豆盧欽望
爲文昌右相同鳳閣鸞臺三品楊再思罷丁未試天官侍郎陸元方
爲鸞臺侍郎同鳳閣鸞臺平章事婁師德薨戊申武三思爲內
史九月乙亥如福昌縣曲赦戊寅復于神都庚辰王及善薨是秋
黃河溢十月丁亥吐蕃首領贊婆來

久視元年正月戊午貶吉頊爲琰川尉壬申武三思罷臘月辛巳
封皇太子之子重潤爲邵王庚寅陸元方罷司禮卿阿史那斛瑟
羅爲平西軍大摠管丁酉狄仁傑爲內史庚子文昌左相韋巨源
爲納言乙巳如嵩山一月丁卯如汝州溫湯戊寅復于神都作三
陽宮二月乙未豆盧欽望罷三月癸丑夏官尚書唐奉二爲天兵
中軍大摠管以備突厥四月戊申如三陽宮五月己酉朔日有蝕
之癸丑大赦改元罷天冊金輪大聖號賜酺五日給復告成縣年
閏七月戊寅復于神都已丑天官侍郎張錫爲鳳閣侍郎同鳳閣
鸞臺平章事李嶠罷丁酉吐蕃寇涼州隴右諸軍州大使唐休璟

敗之于洪源谷八月庚戌魏元忠爲隴右諸軍州大摠管以擊吐蕃庚申斂天下僧錢作大像九月辛丑狄仁傑薨十月辛亥魏元忠爲蕭關道行軍大摠管以備突厥甲寅復唐正月大赦丁巳韋巨源罷文昌右丞韋安石爲鸞臺侍郎同鳳閣鸞臺平章事丁卯如新安隴澗山曲赦壬申復于神都十二月甲寅突厥寇隴右

長安元年正月丁丑改元大足二月己酉鸞臺侍郎李懷遠同鳳閣鸞臺平章事三月丙申流張錫于循州四月丙午大赦癸丑姚元崇檢校并州以北諸軍州兵馬五月乙亥如三陽宮丁丑魏元忠爲靈武道行軍大摠管以備突厥丙申天官侍郎顧琮同鳳閣鸞臺平章事六月庚申夏官侍郎李迥秀同鳳閣鸞臺平章事辛未赦告成縣七月甲戌復于神都乙亥揚楚常潤蘇五州地震壬午蘇味道按察幽平等州兵馬甲申李懷遠罷九月壬申殺邵王重潤及永泰郡主主婿武延基十月壬寅如京師辛酉大赦改元給復關內三年賜酺三日丙寅魏元忠同鳳閣鸞臺三品十一

月壬申武三思罷戊寅改含元宮爲大明宮

二年正月突厥寇鹽州三月丙戌李迥秀安置山東軍馬檢校武騎兵庚寅突厥寇并州雍州長史薛季昶持節山東防禦大使以備之七月甲午突厥寇代州八月辛亥劒南六州地震九月乙丑朔日有蝕之壬申突厥寇忻州己卯吐蕃請和十月甲辰顧琮薨戊申吐蕃寇悉州茂州都督陳大慈敗之甲寅姚元崇同鳳閣鸞臺平章事蘇味道韋安石李迥秀同鳳閣鸞臺三品十一月甲子相王旦爲司徒戊子祀南郊大赦賜酺三日十二月甲午魏元忠爲安東道安撫使

三年三月壬戌朔日有蝕之四月庚子相王旦罷吐蕃來求婚乙巳以旱避正殿閏月庚午成均祭酒李嶠同鳳閣鸞臺平章事己卯李嶠知納言事七月壬寅正諫大夫朱敬則同鳳閣鸞臺平章事庚戌檢校涼州都督唐休璟爲夏官尚書同鳳閣鸞臺平章事八月乙酉京師大雨雹九月庚寅朔日有蝕之丁酉貶魏元忠爲

高要尉十月丙寅如神都十二月丙戌天下置關三十

四年正月丁未作興泰宮壬子天官侍郎韋嗣立爲鳳閣侍郎同
鳳閣鸞臺三品二月癸亥貶李迥秀爲廬州刺史壬申朱勣則罷
三月丁亥進封皇孫平恩郡王重福爲譙王己亥夏官侍郎宗楚
客同鳳閣鸞臺平章事貶蘇味道爲坊州刺史四月壬戌韋安石
知納言事李嶠知內史事丙子如興泰宮赦壽安縣給復一年五
月丁亥大風拔木六月辛酉姚元之罷乙丑天官侍郎崔玄暉爲
鸞臺侍郎同鳳閣鸞臺平章事丁丑李嶠同鳳閣鸞臺三品壬
午相王府長史姚元之兼知夏官尚書同鳳閣鸞臺三品七月丙
戌左肅政臺御史大夫楊再思守內史甲午復于神都貶宗楚客
爲原州都督八月庚申唐休璟兼幽營三州都督安東都護九月
壬子姚元之爲靈武道行軍大摠管十月辛酉元之爲靈武道安撫
大使甲戌判秋官侍郎張柬之同鳳閣鸞臺平章事壬午懷州長
史房融爲正諫大夫同鳳閣鸞臺平章事十二月丁亥天官侍郎韋承

慶行鳳閣侍郎同鳳閣鸞臺平章事李嶠罷十二月丙辰韋嗣立罷
五年正月壬午大赦庚寅禁屠癸卯張柬之崔玄暉及左羽林衛
將軍劼暉檢校左羽林衛將軍桓彥範司刑少卿袁恕已左羽林
衛將軍李湛薛思行趙承恩右羽林衛將軍楊元琰左羽林衛大
將軍李多祚職方郎中崔泰之庫部員外郎朱敬則司刑評事冀
仲甫檢校司農少卿兼知摠監翟世言內直郎王同皎率左右羽林
兵以討亂麟臺監張易之春官侍郎張昌宗汴州刺史張昌期司
禮少卿張同休通事舍人張景雄伏誅丙午皇帝復于位丁未徙
后于上陽宮戊申上后號曰則天大聖皇帝十一月朔諡曰大聖
則天皇后唐隆元年改爲天后景雲元年改爲大聖天后延和
元年改爲天后聖帝未幾改爲聖后開元四年改爲則天皇后
天寶八載加諡則天順聖皇后

中宗大和大聖大昭孝皇帝諱顯高宗第七子也母曰則天順
聖皇后武氏高宗崩以皇太子即皇帝位而皇太后臨朝稱制嗣

聖元年正月廢居于均州又遷于房州聖曆二年復爲皇太子太子
后老且病神龍元年正月張柬之等以羽林兵討亂甲辰皇太子
監國大赦改元丙午復于位大赦賜文武官階爵民酺五日免今
歲租賦給復房州三年放宮女三千人相王旦爲安國相王太尉
同鳳閣鸞臺三品庚戌張柬之表恕已同鳳閣鸞臺三品崔玄暉
守內史敬暉爲納言桓彥範守納言二月甲寅復國號唐貶韋承
慶爲高要尉流房融于高州楊再思同中書門下三品姚元之罷
甲子皇后韋氏復于位大赦賜酺三日復宗室死于周者官爵丙
寅太子賓客武三思爲司空同中書門下三品貶譙王重福爲濮
州刺史丁卯右散騎常侍駙馬都尉武攸旣爲司徒辛未安國相
王旦罷甲戌太子少詹事祝欽明同中書門下三品韋安石罷進
封子義興郡王重俊爲衛王北海郡王重茂溫王丁丑武三思武
攸旣罷三月甲申詔文明後破家者昭洗之還其子孫蔭已丑表
恕已守中書令四月辛亥桓彥範爲侍中表恕已爲中書令丁

卯高要尉魏元忠爲衛尉卿同中書門下平章事辛未昝暉爲
侍中甲戌魏元忠崔玄暉刑部尚書韋安石爲吏部尚書太子
右庶子李懷遠爲左散騎常侍涼州都督唐休璟爲輔國大將軍
同中書門下三品乙亥張柬之爲中書令五月壬午遷武氏神主于
崇恩廟乙酉立太廟社稷于東都戊子復周隋二王後壬辰進封
兄成紀郡王千里爲成王甲午昝暉桓彥範張柬之袁恕己崔玄
暉罷韋安石兼檢校中書令魏元忠兼侍中甲辰唐休璟爲尚
書左僕射特進豆盧欽望爲尚書右僕射同中書門下三品六月
壬子左驍衛大將軍裴思諒爲靈武道行軍大總管以備突厥癸
亥韋安石爲中書令魏元忠爲侍中楊再思檢校中書令豆盧欽
望平章軍國重事七月辛巳太子賓客韋巨源同中書門下三
品甲辰洛水溢八月戊申給復河南洛陽二縣二年壬戌追冊妃
趙氏爲皇后乙亥祔孝敬皇帝于東都太廟皇后見于廟丁丑
幸洛城南門觀鬪象九月壬午祀天地于明堂大赦賜文武官勳

爵民爲父後者古爵一級酺三日癸巳韋巨源罷十月癸亥幸龍門乙丑獵于新安辛未魏元忠爲中書令楊再思爲侍中十一月戊寅上尊號曰應天皇帝皇后曰順天皇后壬午及皇后享于太廟大赦賜文武官階勳爵民酺三日己丑幸洛城南門觀潑寒胡戲壬寅皇太后崩廢崇恩廟

二年正月戊戌吏部尚書李嶠同中書門下三品中書侍郎于惟謙同中書門下平章事閏月丙午公主開府置官屬二月乙未禮部尚書韋瓘巨源爲刑部尚書同中書門下三品丙申遣十道巡察使三月甲辰韋安石罷戶部尚書蘇瓌守侍中戊申唐休璟罷庚戌殺光祿卿駙馬都尉王同皎是月置員外官四月己丑李懷遠罷己亥雨毛于鄧縣辛丑洛水溢五月庚申葬則天大聖皇后六月戊寅貶敬暉爲崖州司馬桓彥範瀧州司馬素恕己酉賈州司馬崔玄暉白州司馬張柬之新州司馬七月戊申立衛王重俊爲皇太子丙寅魏元忠爲尚書右僕射兼中書令李嶠守中書令辛

未左散騎常侍致仕李懷遠同中書門下三品承旨暉于嘉州桓
彥範于懷州袁恕己于環州崔玄暉于古州張柬之于瀧州八月
丙子貶祝欽明爲申州刺史九月戊午李懷遠薨十月癸巳蘇瓌
爲侍中戊戌至自東都十一月乙巳大赦賜行從官勲一轉十二
月己卯靈武軍大揔管沙吒忠義及突厥戰于鳴沙敗績丙戌
以突厥寇邊京師旱河北水減膳罷土木工蘇瓌存撫河北丙申
魏元忠爲尚書左僕射

景龍元年正月丙辰以旱慮囚二月丙戌復武氏廟陵置令丞守
戶如昭陵甲午褒德廟崇先陵置令丞四月庚寅赦雍州五月
戊戌右屯衛大將軍張仁亶爲朔方道行軍大揔管以備突厥
丙午假鴻臚卿臧思言使于突厥死之以旱避正殿減膳六月丁
卯朔日有食之庚午雨土于陝州戊子吐蕃及姚州蠻寇邊姚嵩道
討擊使唐九徵敗之七月辛丑皇太子以羽林千騎兵誅武三思
不克死之癸卯大赦壬戌李嶠爲中書令八月丙戌上尊號曰

應天神龍皇帝皇后曰順天翊聖皇后魏元忠罷九月丁酉吏部侍郎蕭至忠爲黃門侍郎兵部尚書宗楚客左衛將軍兼太府卿紀處訥同中書門下三品于惟謙罷庚子大赦改元賜文武官階勳爵辛亥楊再思爲中書令韋巨源紀處訥爲侍中蘇環罷十月戊寅殺習藝館內教蘇安恒壬午有彗星出于西方十二月乙丑朔日有食之丁丑雨土

二年二月癸未有星隕于西南庚寅大赦進五品以上母妻封號一等無妻者授其女婦人八十以上版授郡縣鄉君七月癸巳朔方道行軍大摠管張仁亶同中書門下三品丁酉有星孛于胃昴十一月庚申西突厥寇邊御史中丞馮嘉賓使于突厥死之己卯大赦賜酺三日癸未安西都護牛師獎及西突厥戰于火燒城死之是歲皇后妃主昭容賣官行墨敕斜封

三年二月己丑及皇后幸玄武門觀宮女拔河爲宮市以嬉壬寅韋巨源爲尚書左僕射楊再思爲右僕射同中書門下三品壬子及

皇后幸太常寺三月戊午宗楚客爲中書令蕭至忠守侍中太府卿韋嗣立守兵部尚書同中書門下三品中書侍郎兼檢校吏部侍郎崔湜守兵部侍郎趙彥昭爲中書侍郎同中書門下平章事戊寅禮部尚書韋溫爲太子少保同中書門下三品太常少卿鄭愔守吏部侍郎同中書門下平章事五月丙戌貶崔湜爲襄州刺史鄭愔江州司馬六月癸巳大白晝見庚子以旱避正殿減膳撤樂詔括天下圖籍壬寅慮囚癸卯楊再思薨七月丙辰西突厥娑葛降辛酉許婦人非緣夫子封者蔭其子孫癸亥慮囚庚辰澧水盜八月乙酉李嶠同中書門下三品特進韋安石爲侍中壬辰有星孛于紫宮九月戊辰吏部尚書蘇瓌爲尚書左僕射同中書門下三品十一月乙丑有事于南郊以皇后爲亞獻大赦賜文武官階爵入品者減考免關內今歲賦賜酺三日甲戌豆盧欽望薨十二月壬辰前宋國公致仕唐休璟爲太子少師同中書門下三品甲午如新豐溫陽甲辰赦新豐給復一年賜從官勲一轉

乙巳至自新豐

四年正月丙寅及皇后微行以觀燈遂幸蕭至忠第丁卯微行以觀燈幸韋安石長寧公主第己卯如始平二月壬午赦咸陽始平給復一年癸未至自始平庚戌及后妃公主觀三品以上拔河三月以河源九曲予吐蕃庚申雨木冰井溢五月辛酉封嗣虢王邕爲汴王丁卯殺許州司兵參軍燕欽融丁丑剡縣地震震六月皇后及安樂公主散騎常侍馬秦客反壬午皇帝崩年五十五諡曰孝和皇帝天寶十三載加諡大和大聖大昭孝皇帝

贊曰昔者孔子作春秋而亂臣賊子懼其於弑君篡國之主皆不黜絕之豈以其盜而有之者莫大之罪也不沒其實所以著其大惡而不隱歟自司馬遷班固皆作高后紀呂氏雖非篡漢而盜執其國政遂不敢沒其實豈其得聖人之意歟抑亦偶合於春秋之法也唐之舊史因之列武后于本紀蓋其所從來遠矣夫吉凶之於人猶影響焉而爲善者得吉常多其不幸而罹於凶者有矣爲

惡者未始不及於凶其幸而免者亦時有焉而小人之慮遂以爲天道難知爲善未必福而爲惡未必禍也武后之惡不及於大戮所謂幸免者也至中宗韋氏則禍不旋踵矣然其親遭母后之難而躬自蹈之所謂下愚之不移者歟

本紀第四

